



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

ԳԱՐԵԳԻՆ ՆԺԴԵՀ

ՆԱՍԱԿԱՆԻ  
(1920-1921)

Հրատարակիչ՝ Ազգայնական Ակումբ

Երեւան - 2002

## ԵՐԿՈՒ ԽՈՍՔ

Գրքույկն ընդգրկում է հայ ազգային-ազատագրական շարժման փայլուն գործիչ Գարեգին Նժդեհի այն վավերագրերը, որոնք հայտնաբերվել են Հայ Յեղափոխական Ղազնակցության կենտրոնական արխիվի գործերում (Բոստոն-ԱՄՆ):

Փաստաթղթերը վերաբերում են Նժդեհի գործունեության Սյունիքյան - Լեռնահայաստանյան, եթե կարելի է այդպես բնորոշել, ժամանակաշրջանին՝ 1920-1921թթ. (հիմնականում 1921թ.), երբ փայլատակեց հայ ժողովրդի Մեծն զավակի զորավարական տաղանդը: Բացառապես Գարեգին Նժդեհի հմուտ ղեկավարությամբ՝ Սյունիք-Ձանգեզուրի ինքնապաշտպանության շնորհիվ հայոց պատմական տարածքը դիմակայեց ադրբեջանական (մուսաֆաթական-բոլշևիկյան)-կարմիր բանակ-թուրք միացյալ ուժերի համատեղ ճնշմանը եւ ապահովեց նրա պատկանելը Հայաստանին: Նժդեհի կազմակերպած եւ ղեկավարած պայքարի փորձը, դրա ուսումնասիրությունն ունի ճանաչողական եւ դաստիարակչական-գործնական նշանակություն:

Հարուստ ու բազմաբովանդակ է Գարեգին Նժդեհի գրական-ստեղծագործական ժառանգությունը՝ նամակներ, հրամաններ, հուշեր, հաշվետվություններ, հողվածներ, ուսումնասիրություններ, բովանդակությամբ՝ ռազմական գործողություններ, հայրենասիրություն, բարոյախոհական-փիլիսոփայական-խրատական գործեր ու ասույթներ, հրապարակախոսություն: Նույնիսկ խորհրդային բանտում շարունակվեց Նժդեհի ստեղծագործական գործունեությունը: Նժդեհի ամբողջ գիտակցական կյանքը դարձավ ազգանպաստ մաքառում ու արարում:

Ներկա գրքույկում տեղ են գտել բացառապես արխիվային անտիպ փաստաթղթեր, որոնք նամակներ են, հրամաններ եւ վերաբերում են Լեռնահայաստանի ինքնապաշտպանությանը:

Ըստ ժամանակագրության եւ բովանդակության այդ փաստաթղթերը կարելի է բաժանել (պայմանականորեն) մի քանի խմբի:

1920թ. այն ամիսների վավերագրերը, երբ զանգեզուրցիների պայքարի համար ստեղծվել էին խիստ ծանր պայմաններ եւ զգացվում էր օգնության սուր անհրաժեշտություն, կարելի է ներկայացնել որպես առաջին խումբ: Ադրբեջանի խորհրդայնացումից եւ Ղարաբաղին տիրելուց հետո ռուսական 11-րդ բանակի զորամասերը հայտնվեցին Ձանգեզուրի սահմաններում: Համառ կռիվներից հետո Նժդեհի վաշտերը նահանջեցին դեպի Խուստուփի լեռը, Ղափան-Մեղրի, որտեղ կազմակերպվեց ուժեղ պաշտպանություն: Իսկ Գորիսում եւ Ձանգեզուրի մյուս շրջաններում հաստատվեց խորհրդային Ադրբեջանի եւ Կարմիր բանակի 5-ամսյա (1920թ. հուլիս-նոյեմբեր) ժամանակավոր իշխանությունը: Վերջինիս քիչ բան էր մնում վերջնական հաղթանակի համար: Եվ տեղի

ունեցավ հրաշքը. Նժդեհին հաջողվեց շրջել իրադարձությունների ընթացքը եւ վերատիրել ամբողջ Ձանգեզուրին: Այդ ժամանակ Նժդեհը չէր դադարում օգնություն խնդրել Հայաստանի Հանրապետության կառավարությունից:

Հայաստանի խորհրդայնացումից հետո նրա իշխանությունները, 11-րդ բանակի հրամանատարության հետ միասին բանակցություններ են նախաձեռնում Անկախ Սյունիք-Լեռնահայաստանի հետ՝ ռազմական գործողությունները դադարեցնելու, Ձանգեզուրը խորհրդային հայտարարելու եւ Հայաստանին միանալու հարցի շուրջը: Նժդեհի ամբողջ պայքարը ուղղված էր հենց այդ նպատակին, սակայն նրա իդեալը ոչ թե խորհրդային, այլ ազատ, անկախ Հայաստանն էր, որպիսին նա ընդունում էր Հայաստանի Հանրապետությունը: Ուստի Նժդեհը, չմերժելով հաշտության խորհրդային առաջարկությունները, միաժամանակ չէր էլ շտապում տալ պատասխան: 1921թ. փետրվարյան ապստամբության հաղթանակը եւ Հայաստանի Հանրապետության վերականգնումը նոր հույսեր ու հեռանկարներ էին բացում Նժդեհի համար: Միաժամանակ տեղի ունեցած Վրաստանի խորհրդայնացումը դառնություն առաջացրեց Լեռնահայաստանում: Դրան հաջորդեց նոր անհաջողություն՝ երեւանյան ապստամբության պարտությունը, խորհրդային իշխանության վերադարձը երեւան եւ ապստամբական ուժերի ու ժողովրդի մի մասի նահանջը Ձանգեզուր: Այս իրադարձությունների շրջանի վավերագրերը կարելի է առանձնացնել երկրորդ խմբում:

Այդ նահանջով բավական բարդ իրադրություն ձեւավորվեց Լեռնահայաստանի պաշտպանության համար: Նժդեհի իշխանության կողքին հանդես եկավ երկրորդ Հայրենիքի փրկության կոմիտեի կամ Հայաստանի (կամ Հայաստանի Հանրապետության) կառավարությունը: Փաստորեն ստեղծվեց երկիշխանություն:

Այստեղ հետաքրքրություն են ներկայացնում այն հարցերը, որոնք վերաբերում են շարժման հեռանկարներին. կարելի՞ է արդյոք դաշնակիցներ գտնել, որքա՞ն իրական են ապստամբությունների մասին լուրերը Անդրկովկասի հանրապետությունների ու Ռուսաստանի վերաբերյալ եւ այլն: Կամ թուրքերի հետ բանակցելու հնարավորությունը: Սա փաստաթղթերի երրորդ խումբն է:

Ձգալի թիվ են կազմում այն նյութերը, որոնք առնչվում են դեպի Պարսկաստան գետանցի կազմակերպմանը եւ գաղթի ապահով իրականացմանը: Դա համարենք չորրորդ խումբ:

Վերջապես, հիմնվելով խումբ. Նժդեհի կուսակցական դատը: Նա ստիպված էր տալ բացատրություններ, հիմնավորել իր գործողությունները: Շատ արժեքավոր եզրափակիչ երկու ընդարձակ նամակները լուսաբանում են նաեւ վերջին ժամանակների անհաջող գործընթացների պատճառները:

Գրքույկի մեջ փաստաթղթերը դասավորված են ժամանակագրական կարգով: Խմբավորման սահմանները չեն նշվում, որովհետեւ տվյալ փաստաթուղթը կարող է պատկանել նաեւ այլ խմբի: Այսինքն՝ մեր կատարած խմբավորումը եւ հարաբերական է, եւ պայմանական: Դրանով միայն ցանկացել ենք կողմնորոշել ընթերցողին, թե նա ինչ կարող է որոնել գրքույկում, ինչ հիմնախնդիրներ են արժարժում վավերագրերը:

Փաստաթղթերի հնեագիտական մշակումը կատարված է ընդունված կանոններով: Պահպանվել են դրանց վերնագրերը եւ ոճը: Փոխվել է ուղղագրությունը: Ուղղանկյուն փակագծերը դրվել են, երբ հասկանալի է, թե բառը պետք է շարունակվի հենց այդպես, իսկ սուրանկյուն փակագծերն օգտագործվել են, երբ կազմողներն են որոշել կամ չեն կարողացել որոշել բնագրի բացթողումը (անընթեռնելիությունը եւ այլն): Որոշ փաստաթղթերում բացակայում է արխիվային գործի համարը քսերոպատճենում դրա բացակայության պատճառով: Բոլոր տողատակային եւ գիտական ծանոթագրությունները, մեկի բացառությամբ, կազմողներին են:

Փաստաթղթերը հրատարակության են պատրաստել «Երկու խոսքի» հեղինակները:

Փաստաթղթերի սույն հավաքածու-գրքույկը մի ավելորդ անգամ վկայում է պատմական տվյալ ժամանակաշրջանում (1920-1921թթ.) Գարեգին Նժդեհի լայն գործունեության եւ խորաթափանց մտքի ու դատողությունների մեծ կարողության կամ, որ նույնն է, Հայաստան հայրենիքի շահերը ամեն ինչից վեր դասելու մասին:

*Վլադիմիր Ղազախեցյան  
Համլետ Գեորգյան*

**ՓԱՍՏԱԹՂԹԵՐ**

**Թիվ 1**

**ՀՅ ԴԱՇՆԱԿՑ[ՈՒԹՅԱՆ] ԿՐԵԺՍԱՆԻ\* ԿԵՆՏՐ[ՈՆԱԿԱՆ] ԿՈՄԻՏԵԻՆ**

Իմ դրության տրագիզիան նրանում է, որ կտրված աշխարհից, զուրկ եմ ինֆորմացիա ստանալու հնարավորությունից: Հայաստանի Հանրապետությունը ինձ դրել է ամենամեծ դրության մեջ: Ոչ օգնություն, ոչ ինֆորմացիա, ոչ էլ որոշ հրահանգներ եմ ստանում: Ես շարունակում եմ կռիվները եւ պիտ դիմադրեմ, քանի դեռ ժողովրդի մի մասն ինձ հետ է: Թշնամին, որպես ռազմական թեալ ույժ, ինձ համար անարժեք է, արհամարհելի: Թշնամին ուժեղ է իր պրովոկացիոն գործունեությամբ, իր հրաշագործ չրեզվիչայկաներով, լրտեսական ցանցով, ահաբեկիչներով եւ տարածած պրովոկացիոն լուրերով:

Թշնամին Ձանգեզուրի բովանդակ թուրք ուժերը հանել է իմ դեմ: Ինձ՝ թշնամու փոխարեն, ընկճելու եմ ռազմամթերքի կրիզիսը եւ Ձանգեզուրի հայության տականքը: Քանի դեռ շարունակվում է կռիվը՝ արագացրեք օգնությունը: Ուշացնել օգնությունը-նշանակում է թուլացնել մարտնչող գյուղացիության մարտական կորովն ու հավատը: Տվեք ինձ լայն ինֆորմացիա: Սպասում եմ:

**Ջերմ բարեւներով**  
*Չեր Եժդեհ*

1920, 18 սեպտ[եմբերի]  
Սեդրի

ՀՀԴ ԿԱ, 316Ա1-5: Ինքնագիր:

\* Ատրպատականի կամ Պարսկաստանի:

\*\* Արտակարգ հանձնաժողով:

**Թիվ 2**

**ԿՐԵԺՍԱՆԻ Կ[ԵՆՏՐՈՆԱԿԱՆ] ԿՈՄԻՏԵԻՆ**

Սիր[ելի] ընկերներ,  
Ուղարկում եմ Ձեզ մոտ[ս] եղած կարելուր դոկումենտների մի մասը, ընդունեք եւ պահեք:  
Դաշնակցական ջերմ բարեւներով

*Չեր Եժդեհ*

1920, 18 սեպտ[եմբերի]  
Սեդրի

ՀՀԴ ԿԱ: Ինքնագիր:

**Թիվ 3**

**ԸՆԿԵՐՆԵՐ**

Դեպքերը Ղափանում եւ Գեմվազում աստիճանաբար զարգանում ու խիստ վտանգալից բնավորություն են ստանում ինչպես երկրիս հայության, նույնպես եւ ողջ Հայաստանի նկատմամբ:

Արտաքին աշխարհից կտրված ենք բառի ամենալայն իմաստով: Դրության անորոշությունը մեծ լքումն է առաջացնում ժողովրդի մեջ: Ռազմամթերքի կրիզիսը կռվող ուժին դրել է անելանելի դրության մեջ: Եվ հերոսական Ղափանը կամաց առ կամաց տեղի է տալիս թշնամու աննշան ուժերի առաջ: Մի քանի հարյուր ռուս բոլշեիկներ միացած մի խումբ հայ դավաճանների եւ տեղական թուրք հորդանների հետ սիստեմատիկաբար ոչնչացնում են ողջ Ձանգեզուրը: Այլեւս գաղտնիք չէ, որ մենք գործ ունենք միայն եւ միայն Ադրբեջանի հետ:

Կռվում ենք այժմ Գեմվազի սահմաններում: Հաջողությունն առայժմ մեր կողմն է: Շիրվանաձորի ճակատում թշնամու առաջ-խաղացման բոլոր փորձերը հետ է մղված մեծամեծ կորուստներով: Ներկա պայմաններում մեր հաղթությունները, սակայն, միսիթարական համարել չի կարելի-ռազմամթերքի պաշարը անսպառ չէ եւ Գեմվազում: Անորոշությունը անհետեւանք չէ թողնելու Գեմվազը եւս:

Հայտնի պիտի լինի Ձեզ, որ Ղափանի եւ Գեմվազի դեպքերը, նախաձեռնված թշնամու կողմից, դավադրական մի ակտ է: Բոլշեիկների

եւ Հայաստանի կառավարության միջեւ զինադադար է կնքված: Ձինադադարի խախտումով նա հույս ունի գրավել Ղափան-Գեմվազը, միանալ Օրդուբաթ-Նախիջևեանին եւ այդպիսով Հայաստանի կառավարությանը դնել կատարված փաստի առաջ: Բոլոր նշաններից երեւում է, որ մեր կառավարությունը տեղյակ չէ, թե ինչ է կատարվում այստեղ-վարագույրի ետեւը: Հակառակ դեպքում նրա այս անփույթ, անարձագանք վերաբերմունքը դեպի յուրայինների ոչնչացումն ու մի երկրի բռնագրավումը բացատրել անկարելի է:

Ուրեմն, ընկերներ, կանգ չպիտի առնենք եւ ոչ մի միջոցի առաջ իրագեկ դարձնելու կառավարությանը այստեղի անցուդարձերի մասին: Կառավարության եւ մեր մեջ կապ պահել միայն եւ միայն դուք կարող եք-ուրիշ ճանապարհ չկա: Ընկելով Ձանգեզուրը՝ վտանգվում է Նախիջևեանը, իսկ Նախիջևեանի անկումով մահացու հարված է տրվում Արարատյան դաշտին:

Ընկերներ, աշխատեք անդադրում: Ձեզ վրա է մեր հույսը:

Ընկերական բարեւներով՝

*Նժդեհ  
Աշոտ  
Գ. Աղայան*

19.IX.20թ.  
Մեղրի

3. Գ. Իշխանին ուղղված հեռագիրը անմիջապես ուղարկել:

ՀՅԴ ԿԱ, 316Ա1-4: Նժդեհի ինքնագիրը:

**Թիվ 4**

**ԴԱՇՆԱԿՑՈՒԹՅԱՆ ՎՐԵԺՄՏԱՆԻ ԿԵՆՏՐՈՆԱԿԱՆ  
ԿՈՄԻՏԵԻՆ**

Խնդրում են ընկ. Աշոտին՝ ցույց տալ լայն աջակցություն՝ կապ ստեղծելու Հայաստանի Հանրապետության հետ: Ընկերոջը իրավունք է տրվում ստորագրելու Ամիր Արշադին ուղղված նամակի տակ:

\* Նկատի ունի 1920թ. օգոստոսի 10-ին Թիֆլիսում ստորագրված հայ-ռուսական համաձայնագիրը:  
\*\* Հավանորեն Աշոտ Մելիք-Մուսյան:

Կուսակցական ջերմ բարեւներով

*Նժդեհ*

1920, 2 հոկտ[եմբերի]  
Կարճեւան

ՀՅԴ ԿԱ, 316Ա1-7: Բնագիր: Ինքնագիր:

**Թիվ 5**

**Հ Յ ԴԱՇՆԱԿՑՈՒԹՅԱՆ ՎՐԵԺՄՏԱՆԻ ԿԵՆՏՐ[ՈՆԱԿԱՆ]  
ԿՈՄԻՏԵԻՆ**

Սիրելի ընկերներ.

Մոտավորապես 100 օր է, որ, կտրված Հանրապետությունից, կռվում են թշնամու գերադաս ուժերի դեմ: Միայն իմ զինակիցները գիտեն, թե ինչպիսի ռազմադավերի, ինչ թշնամու համար անծանոթ, տաքտիկական ծեւերի, ինչ երբեմն խենթության հասնող խիզախ քայլերի դիմել ռազմամթերքի ծախսումը ամենամինիմալ չափերի հասցնելու համար:

Կռվել են ուժանակով, պայթուցիկ տակառներով, սվիններով: Ցերեկները ակամայից դիմել են պաշտպանողականի, գիշերները՝ БОЛЧЬЯ՝ տակտիկայի: Կռիվներին նման բնույթ տալով հանդերձ՝ այսօր կանգնած են ռազմամթերքի սուր կրիզիսի առաջ:

Մի ավելորդ անգամ էլ խնդրում են խթանել, հասկացնել մերոնց՝ արագացնելու օգնությունը: Մի՞թե մինչեւ օրս երեւանը չհասկացավ, որ այս շրջանները իրենց անչափելի ռազմագիտական նշանակությամբ եւ գերազանցորեն մարտունակ ազգաբնակչությամբ մեր հանրապետությանը շատ շատ են պետք:

Ձերմ բարեւներով՝

*Նժդեհ*

1920, 15 հոկտ[եմբերի]  
Մեղրի

P. S. Անշուշտ լսած կլինեք իմ վերջին մեծ հաջողության մասին: Վերագրավել են Ղափանը՝ վերցնելով 300-ից ավելի գերիներ, 400-ի չափ հրացան, 16 գնդացիր, զանազան սիստեմների 100-ից ավելի ծիեր, 17

\* БОЛЧЬЯ - գայլային գիշերային մարտերի վարում:

սպա եւ այլն: Օրդուբաթ-Ալանգյազի ճակատում ունեցանք նույնպէս մեծ հաջողություն: Թշնամին իր երրորդ փորձի ժամանակ թողել է երեք գնդացիր, հրացաններ <...> արապետ եւ այլն:

ՀՅԴ ԿԱ, 361Ա1-8: Բնագիր: Ինքնագիր:

Թիվ 6

Հ 3 ԴԱՇՆԱԿՑՈՒԹՅԱՆ ԱՏՐՊԱՏԱԿԱՆԻ ԿԵՆՏՐ[ՈՆԱԿԱՆ] ԿՈՄԻՏԵԻՆ

Սիրելի ընկերներ,  
Շնորհակալությամբ ստացա ընկեր զեղեռնի\* միջոցով ինձ ուղարկած Ձեր նվերները եւ Ձեր գրությունը: Իմ վաշտապետները խնդրել են ինձ հայտնելու կոմիտեիդ, որ իրենք միշտ պատրաստ են տղամարդաբար մեռնելու հայ աշխատավորությունն ապրեցնելու համար: Անզորացած ու Ձանգեզուրից քշված թշնամին այժմ Աբդալլարից է առաջարկում հաշտության բանակցություններ սկսել: Եթե Հայաստանում դրությունը բարելավվի, լիահույս եմ, որ Ձանգեզուրը մինչեւ վերջը պատվով կմնա:

Ձերն բարեւներով՝  
Զեր Նժդեհ

1920, 5 դեկտ[եմբերի]  
Ղափ[ան], Հանքեր

ՀՅԴ ԿԱ, 316Ա1-12: Բնագիր: Ինքնագիր:

Թիվ 7

ՍԻՐԵԼԻ ԸՆԿԵՐ ԳԵՎՈՐԳ !\*\*

Ղարաբաղից կաղորդագրում են ինձ. «Քչեցինք թշնամուն Տողա, Տունա, Թաղարու, Թաղավարդու, Չանախչու եւ Սարգեաշենու շրջաններից: Վերցրել ենք Դրոյի թողած ցեյխաուզը, 7 գնդացիր, ավելի

\* զեղեռն Տեր-Սիմասյան:

\*\* Հնարավոր է զեւորդ Ղազարյան – ՀՅԴ բյուրոյի թեկնածու:

քան 100.000 փամփուշտ, 2 թնդանոթ, շատ սնարյադ, ծիեր, 100-ից ավելի գերի, շատ ցորեն, գարի, բրինձ, յուղ, աղ, մի խոսքով մեծ պատրաստություն: Թշնամին գլուխը կորցրած փախչում է»:

Հաղորդագրողը խնդրում է 10 ընտիր սպաներ: Ես կարելոր գործով վաղն անցնելու եմ Գորիս: Տեղդ է եկել ընկեր Գ. Բալայանը, որին չկարողացա տեսնել: Սիսիանից ինձ տեղեկացնում են, թե երեք հոգուց բաղկացած մի դելեգացիա է գալիս, իհարկե, Երեւանից, ինձ մոտ: Այդ լուրը Սիսիան բերել են մեր Դարալագյազից վերադարձած սուրհանդակները: Չգիտեմ, որքան ճիշտ է: Կգրեմ:

Ձերն բարեւներով՝  
քո Նժդեհ

25 հունվար 1921թ.

ՀՅԴ ԿԱ, 96-2: Բնագիր: Ինքնագիր: Նամակը գրված է «ՀՅԴ կոմիտե, 1918թ.» դրոշմակնիքով թղթի վրա:

Թիվ 8

ՍԻՐԵԼԻ ԸՆԿԵՐ ԳԵՎՈՐԳ !

Դրոյի եւ Հեկկերի (XI զորաբանակի հրամանատար) կողմից ամսիս 3-ին Գորիս հասավ մի դելեգացիա, բաղկացած 5 հոգուց, որոնցից 3-ը Դրոյի սպաներից, մի տաճկահայ եւ մի զանգեզուրցի: Չորսին ընդունեցի, իսկ հինգերորդին՝ ոչ: Ձանգեզուրցի կոմունիստը Ձանգեզուրում մի ժամ անգամ ազատ ապրելու իրավունքը չունի: Դրոյից բերել են նամակ, որից պարզվում է, որ Դրոն մեկնել է Մոսկվա մասնակցելու կայանալիք կոնֆերանսին: Այդ կոնֆերանսին մասնակցելու եմ Սովետական Հայաստանի, Ադրբեյջանի, Տաճկաստանի (իմա՝ Քեմալի) եւ Ռուսաստանի ներկայացուցիչները: Կոնֆերանսը զբաղվելու է Սովետական Հայաստանի եւ Ադրբեյջանի սահմանների որոշմամբ: Տաճիկները Սովետական Հայաստան չեն ճանաչում, պատճառաբանելով, որ այդ Հայաստանի 3/4-ը գտնվում է իրենց ձեռքին, իսկ Սյունիքը եւ Ղարաբաղը իրենց հայտարարել են անկախ-ինքնավար: Դրոն խնդրում է աջակցություն ցույց տալ սովետական ուժերին՝ Քեմալին քշելու

\* ՀՍԽՀ-ի եւ 11-րդ կարմիր բանակի պատվիրակությունը, 5 անդամից բաղկացած, Ղարաբաղի ճանապարհով Ձանգեզուր ժամանեց 1921թ. փետրվարի 1-ին եւ հաջորդ օրը Գորիսում հանդիպեց Գարեգին Նժդեհի հետ:

\*\* Ձանգեզուրցի կոմունիստը Սամսոն Թյունիեն է:

Արեւելյան Հայաստանից: Բուլշեւիկներն իրենց շատ վատ են զգում: Նոտաների փոխանակումը Չիչերինի եւ Կարաբեկիրի միջեւ պարզորեն մատնում է Քենալի բռնած դիրքը: Քենալը թշնամի է Սովետական Ռուսաստանի համար: Փաստորեն Հայաստանի Հեղկոմը (Բեֆկոմը) համոզիսանում է Երեւանի եւ մի քանի գյուղերի իշխանությունը եւ ոչ ավելի: «Война между Турцией и Советской Россией и роль Нждей в этой войне»- ահա սովետական հրամանատարությանը զբաղեցնող հարցը: Կարմիր հրամանատարությունը, հանձինս Հեկկերի, ձգտում է բարեկամանալու ինձ հետ: Կարմիր պարոնները այժմ չեն թագցնում, որ Սովետական Ադրբեյջան ասելով հասկացվում է միայն Բագուն եւ մի փոքրիկ տարածություն այդ քաղաքի շուրջը: Մուսաֆաթն ավելի քան ակտիվ է դառել: Տեղական, մասնավոր բնույթ կրող ապստամբություններն անվերջ են Ադրբեյջանում: Կասկածից դուրս է (խոստովանում են իրենք դելեգատները), որ բուլշեւիկները իրենց շատ վատ են զգում: Շատ լավ կլիներ, եթե մի քանի օրով ընկ. Գերասիմի՝ հետ անցնեիր Գորիս: Շատ կարելու հարցեր կան, որոնց այս կամ այն կերպ լուծումից կախված է Հայաստանի բաղդը:

Չուշանաս, մեկնիր անմիջապես: Սպասում եմ:

Ջերմ բարեւներով  
քո Նժդեհ

1921, 4 փետրվարի  
Գորիս

ՀՀԴ ԿԱ: Բնագիր: Ինքնագիր: Նամակը գրված է «Սպարապետ Ինքնավար Սյունիքի եւ Գողթանի» դրոշմակնիքով 3 թերթերի վրա:

Թիվ 9  
ՍԻՐԵԼԻ ԸՆԿԵՐ<sup>1</sup>

Հենց նոր ստացա վերջին հեռախոսագիրը, որով Ինքնավար Սյունիքի արեւմտյան ճակատի հակահետախուզության պետը տեղեկացնում է Երեւանի՝ մեր ապստամբ ուժերի կողմից, վերագրավման մասին: Հեռախոսագրի համաձայն դեպքն այսպես է տեղի ունեցել: Հայաստանում եղած ուժերը մեծամասնականները փոխադրել են վրացական

<sup>1</sup> Գերասիմ Աբաջանյան Ղափանի զինված ուժերի հրամանատար:  
<sup>2</sup> Բնագրում սխալմամբ գրված է 1920:

ճակատները: Բաշ-Գեառնիի շրջանը, օգտվելով առիթից, պարզել է ապստամբության դրոշակը եւ քշել հատուկոր կարմիրների: Ապստամբության ալիքն անցել է մնացած շրջանների վրայով եւ Երեւանը ընկել է մեր ձեռքը: Ինչո՞ւ ես տատանվում եւ հապաղում: Լավ կլիներ, որ գայիր Գորիս: Ես կվերադառնամ տեղս ոչ շուտ քան մարտի 5-7-ը: Վերցրել ենք Արփայում 71.000.000 թուրքի չեկերով, 12.000 արշին մանուֆակտուրա եւ 100 փութ աղ:

Ջերմ բարեւներով  
քո Նժդեհ

1921, 26 փետրվարի  
Գորիս

ՀՀԴ ԿԱ: Բնագիր: Ինքնագիր: Նամակը գրված է Լեռնահայաստանի Սպարապետի դրոշմակնիքի թղթի վրա:

Թիվ 10  
ՍԻՐԵԼԻ ԸՆԿԵՐ ՌՈՒԲԵՆ !

Եթե Վրաստանի անկումը ճիշտ է ապա Հայաստանի ռազմական դրությունը պետք է վտանգված համարել: Կարմիրները Վրաստանը գրավելուց հետո կարող են Երեւանը վերցնել «В клеши», «В перепадет»:՝ Ես դեռ չեմ ուզում հավատալ կարմիրների վերջնական-ստրատեգիքական հաջողությանը Վրաստանում: Ըստ իմ ունեցած տեղեկությունների կարմիրները լոկալ հաջողություն ունեցել են Վրաստանում: Թե ինչպե՞ս, ի՞նչ ուղղությամբ եւ ի՞նչ մաշտաբով են օգտագործել - զարգացրել այդ հաջողությունը՝ չգիտեմ: Ինչ որ է, լինեմ սեղմ:

Յապոնի՞՝ հաղորդագրությունները Գյուննուֆի եւ Ջաֆարլուի անկման մասին ինձ ենթադրել են տալիս երկու բան, այն է՝ կամ թշնամին նոր օժանդակ ուժեր է ստացել, որ այժմ այդ աստիճան ագրեսիվ է, կամ էլ ստեղծված ռազմագիտական мемок-ից ազատվելու համար ձգտում է Ջղինով միանալ Նոր Բայազետին: Հրամանագրել եմ Յապոնին

<sup>1</sup> Բնագրում սխալմամբ գրված է 1920:  
<sup>2</sup> «Արցանի մեջ», «Նեղ դրության մեջ»:  
<sup>3</sup> Յապոնը (Պարոնյան) Ղարալագյազի (Արեւմտյան ճակատի) ուժերի հրամանատարն էր:



վերագրավելու այդ երկու գյուղերը եւ ապահովելու մեր կենդանի կապը Արարատյան Հայաստանի ռազմական ուժերի հետ:

Այժմ չափազանց զգուշ պետք է լինել, թշնամին կարող է մեր Երեւանի ապստամբ ուժերին հավաքել ՄԵՍՈՔ-ի մեջ եւ խեղդել:

Վատ չէր լինի, եթե մեր կուսակցական ուժերի մի խոշոր մասը առայժմ անցներ Ղարալագյազ: Ո՞վ գիտե, անտեր մնա կոհվը, թե ինչով կվերջանա Հայաստանի ապստամբությունը: Խոստովանում եմ, որ քո հեռախոսագիրը Վրաստանի կատաստրոֆայի մասին ինձ խելագարվելու աստիճան ջղայնացրել է: Վրաստանի անկումով Հայաստանի համար ստեղծվում է նույն սպառնական դրությունը, որը գոյություն ուներ տաճիկների առաջխաղացման օրերին, որը վերջացավ մեր պարտությամբ:

Խորապես խնդրում եմ ինձ լայնորեն ինֆորմե՝ անել Երեւանի եւ Վրաստանի դրության մասին:

Ձերն բարեւներով՝  
քո *Նոդեհ*

1921, 11 ապր[իլի], ժամը 10  
Ղափ[ան] Հանքեր

P.S. Ղարաբաղում ժողովրդի տրամադրությունն ընկած է: Ինձ անվերջ հաղորդագրում եմ Վրաստանի անկման մասին: Հայերն այլեւս չեն հավատում Ադրբեյջանի ապստամբությանը: Լեռնային Ղարաբաղում եղել են տեղեր, ուր թուրքերը հարձակվել են հայ գյուղերի վրա: Կարմիրները բաժանում են, որ տիրեն: Մեր[ոնք] թողել են Հաղուբը: Շուշուն եւ Կարեւազինում նոր ուժեր են երեւացել: Վազվզում են շրջանե շրջան, ճակատե ճակատ: Հացի պակասությունը մեզ նեղել է:

ՀՀԴ ԿԱ: Բնագիր: Ինքնագիր: Նամակը գրված է Լեռնահայաստանի Սպարապետի դրոշմակնիքով թղթի վրա:

**Թիվ 11**  
**ՍԻՐ[ԵԼԻ] ՈՌԻԲԵՆ !**

Գալիս է Արտաշեսը՝ մի շարք հարցերով, որոնց պատասխանը խնդրում եմ տալ եւ ճանապարհ դնել: Խնդրում եմ գրել նաեւ տեղիդ դրության եւ գործերի տրամադրության մասին: Եթե Գենվազի համար պետք է ուժեր ուղարկեք՝ գիտցեք, որ ամենավստահաելի տարրը պետք է

\* Կարող է լինել Արտաշես Պարոնյանը:

լինի դա: Ցանկալի կլիներ ուղարկել տաճկահայերին կամ բաշգեառների-ների:

Ղարաբաղում դրությունը անփոփոխ է:

Սյունիքի ժողովուրդը հատ ու կենդ փախած եկածներից Երեւանի մասին գիտեն: Վատ է ազդել: Հացի պակասություն է:

Բարեւներով՝  
*Նոդեհ*

1921, 14 ապր[իլի]  
Գորիս

ՀՀԴ ԿԱ: Բնագիր: Ինքնագիր:

**Թիվ 12**  
**ՍԻՐ[ԵԼԻ] ԸՆԿԵՐ ՍԻՍՈՆ**

Ինչո՞վ վերջացավ Ձեր այսօրվա ժողովը: Ի՞նչ որոշում կայացվեց Արարատյան ռազմական ուժերի եւ սպարապետության մասին:

Խնդրում եմ երկխոսքով հայտնել ինձ, որ, հիմք ունենալով Ձեր որոշումները, անցնեմ գործի:

Ի՞նչ կասեիք Գուսանի մասին: Ի՞նչ պաշտոն տալ նրան:

Բարեւներով՝  
*Նոդեհ*

1921, 21 ապր[իլի]  
Տաթև

ՀՀԴ ԿԱ: ՍՎ. 5-5: Բնագիր: Ինքնագիր:

## Թիվ 13

## ԼԵՌՆԱՐԱՅԱՍՏԱՆԻ ԲՈԼՈՐ ԻՇԽԱՆՈՒԹՅՈՒՆՆԵՐԻՆ

Կարելոր գործով զենվագ են անցնում Հայաստանի Հայրենիքի փրկության կոմիտեի նախագահ Ս. Վրացյանը, Քաջազնունին, Համո Օհանջանյանը եւ ուրիշները:

Հրամայում են ցույց տալ սրանց ամենապարտ ու պատշաճ աջակցությունն:

Սպարապետ  
*Նժդեհ*

1921, 22 ապր[իլ]  
Գորիս  
Կնիք

ՀՅԴ ԿԱ, ՍՎ. 10-45: Բնագիր: Ինքնագիր:

## Թիվ 14

## ՍԻՐԵԼԻ ԲԱՐԵԿԱՄ ԱՍԻՐ ԱՐՇԱԴ !

Շատ կարելոր գործով տեղդ են գալիս Հայաստանի Հայրենիքի փրկության կոմիտեի նախագահ պ-ն Ս. Վրացյանը, 5 ընկերներով: Խնդրում են Ձեր լայն աջակցությունը սրանց իրենց միասիան հաջողությամբ կատարելու համար:

Սիշտ ձեր բարեկամը՝ Սպարապետ  
*Նժդեհ*

1921, 22 ապր[իլ]  
Գորիս  
Կնիք («Սյունյաց Սպարապետություն 1920»)

ՀՅԴ ԿԱ, ՍՎ. 5-8: Բնագիր: Ինքնագիր: Նույն օրը Նժդեհը Ամիր Արշադին հասցեագրել է նույնաբովանդակ մի այլ նամակ: Տես նույն տեղը, ՍՎ. 5-7:

## Թիվ 15

ՊԱՐՍԻՑ ԻՇԽԱՆՈՒԹՅՈՒՆՆԵՐԻՆ ԵՎ ՍՈՒԹԱԼԻՄ ԽԱՆ  
ՍԱՀՐԱՆԴԻՆ

Տաճկական միասիայի հետ բանակցելու նպատակով Թավրիզ է անցնում պ-ն Սիմեոն Վրացյանը երկու ընկերներով:

Խնդրում են Ձեր լայն աջակցությունը վերջիններիս ապահով տեղ հասնելու:

Լեռնահայաստանի սպարապետ  
*Նժդեհ*

1921, 22 ապր[իլ]  
Գորիս  
Կնիք («Սյունյաց Սպարապետություն 1920»)

ՀՅԴ ԿԱ, ՍՎ. 5-6: Ինքնագիր:

## Թիվ 16

Լեռնահայաստանի  
Սպարապետ

Խիստ գաղտնի եւ կարելոր  
ԼԵՌՆԱՐԱՅԱՍՏԱՆԻ ՄՊԱՐԱՊԵՏԻ  
ՕԳՆԱԿԱՆ ԿՈՒՌՈՅԻՆ  
Պատճեն Յապոնին

23 ապրիլի 1921թ.  
Գորիս

Արեւմտյան ճակատի թիկունքի հրամանատարը՝ Պարոնյանը տեղեկացնում է, որ մալականները սկսել են մեկ-մեկ, երբեմն խմբերով փախչել դեպի Նախիջեւան եւ այլուր: Նույն այդ բանը պնդում է Սիսիանի կոնտրիհետախուզության պետը: Դա չափազանց վատ նշան է: Մալականները կարող են թռուցիկ խմբեր կազմակերպել եւ գիշերները խլրտել մեր զորամասերի թիկունքում եւ թեւերում, բացի այն, որ կարող են միանալ թշնամուն եւ լրտեսել:

Թշնամի տարրի ներկայությունը մեր բանակի թիկունքում վտանգավոր է եւ միանգամայն անհանդուրժելի:

Հրամայում են

48 ժամվա ընթացքում տեղահանել մալականներին Բազարչայ եւ Բորիսովկա գյուղերից:

Տեղահանությունը կազմակերպել այս ձեւով՝

1. Նախ ձերբակալել բոլոր տղամարդկանց 18-45 տարեկանը եւ ուժեղ հսկողության տակ ուղարկել Տաթեւ:

2. Կանանց, երեխաներին ու ծերերին տալ 4 օրվա հաց եւ ուժեղ հսկողության տակ, առանց բռնության կորցնելու, ուղարկել Գորիս:

3. Ամբողջ վալյուտային ապրանքը արժույթը, ոսկին, խալիները, խաս ապրանքը, դրամը եւ այլն պետականացնել:

4. Ամբողջ տավարը (կթան, ծի, ջորի) պետականացնել, դնելով բոլորի վրա կլեյմո՝ եւ 3/4-ը ուղարկել Տաթեւ, իսկ մի քառորդը թողնել քանակի համար:

5. Տնային ապրանքը, որը կարելի է փոխարինել ցորեն-գարիով, նույնպես պետականացնել, իսկ ավելորդ իրերը մի մասը հավաքել ու ամբարել մի տեղ, իսկ մնացածը տալ գաղթականներին:

6. Ցորենը, գարին, կորեկը, հաճարը, կարտոֆիլը պետականացնել, հավաքելով մի քանի ամբարներում:

7. Թաքստոցների տեղն ասելու համար պահել մի քանի հոգի ծերեր եւ երեխաներ:

8. Տեղահանությունը կատարել առանց աղմուկի եւ կազմակերպված ձեւով:

9. Թալանչիներին զնդակահարել:

10. Գործի անցնել գրությունս ստանալուն պես եւ խորապես գիտակցել, որ այդ արվում է հանուն մեր երկրի ինքնապաշտպանության:

Սպարապետ՝

*Նժդեհ*

ՀՀԴ ԿԱ, Սպարապետի օգնական Կուռոյի վավերագրերի Գ տետր, էջ 157-159:  
Բնագրի կրկնօրինակ: Ձեռագիր:

Թիվ 17

Լեռնահայաստանի  
Սպարապետ

ՏԱԾԿԱՅԱՅ ՌԱԶՄ[ԱԿԱՆ] ՈՒԺԵՐԻ  
ՀՐԱՄԱՆԱՏԱՐԻՆ

N 807  
23 ապր[իլի] 1921թ.  
Գորիս

Գողթանի հրամանատար Ղազարին հրամայված է սպասելու Ձեզ Օխչի ձորում: Մի օրյա հանգստից հետո (Քաջարանում) Ձեր գործերը պետք է իջնեն Գողթան: Նպատակը-ապահովել Սիեարին(ուր կա պարոմ) եւ անցկացնել գաղթականությունը Պարսկաստան: Այդ գործով հրամանատար Ղազար Ձեզ ցույց կտա մեծ աջակցություն: Օխչի ձոր հասնելուն պես հաղորդագրեք ինձ, որ ժամանակին գամ եւ ես:

Սպարապետ՝

*Նժդեհ*

ՀՀԴ ԿԱ: Բնագիր: Ինքնագիր:

Թիվ 18

ՍԻՐ[ԵԼԻ] ԸՆԿ. ՌՈՒԲԵՆ !

Վալեաթին՝ եւ միսսիաներին ուղղածս գրությունները շատ վատահեղի մարդկանցով ուղարկիր Թավրիզ սրբազանին: Մեր ինտելիգենցիան սրից ու սովից փրկելու մտահոգությունը ինձ հիվանդացնելու չափ լարել է: Գրիր, տեսնենք, ո՞վ անցավ, ո՞վ մնաց: Տաճկահայ ուժերը մի մեծ չարիք են, որը որքան շուտ հեռանա Լեռնահայաստանից, այնքան լավ է մեզ համար: Նրանց ալան-թալանը, գյուղերում թույլ տված բաշիբոզությունները զգվանքով ու թշնամանքով են լցրել Լեռնահայաստանցիներին: Այս երկու օրս Մեղրի կգամ եւ ես:

Բարեւներս Գուրգենին՝:

Բարեւներով՝

*քո Նժդեհ*

[1]921, 26 ապրիլի  
Տաթև

ՀՀԴ ԿԱ, Բնագիր: Ինքնագիր: Նամակը գրված է Լեռնահայաստանի Սպարապետի դրոշմակնիքով թղթի վրա:

Թիվ 19

ՍԻՐԵԼԻ ՍՐԲԱԶԱՆ ! \*

Խնդրում եմ վալեաթին եւ միսսիաներին ուղղածս գրությունները անձամբ (մեր ընկերներից մեկի հետ Քաջազունի, Վրացյան, Շանթ) ներկայացնել իրենց: Հիվանդանալու չափ մտահոգված եմ հայ ինտելիգենցիայի ողբերգական վիճակով: Անիծվի աշխարհը:

Ջերմ բարեւներով  
Ձեր *Նժդեհ*

<1921, 26 ապրիլ: Տաթև: > \*\*

ՀՀԴ ԿԱ, Ս.Վ. 5-12: Բնագիր: Ինքնագիր: Նամակը գրված է Լեռնահայաստանի Սպարապետի դրոշմակնիքով թղթի վրա:

Թիվ 20

ՍԻՐԵԼԻ ՌՈՒԲԵՆ !

Էլի կրկնում եմ Ամիր Արշադի մոտ մարդ ուղարկեք եւ հասկացրեք, որ «Թորփաղ փուլի» կոչված խայտառակությունը միանգամայն անտեղին է եւ անարդար: Պարսկաստան անցնողները ոչ առեւտրականներ են, ոչ էլ սովորական ճամբորդներ: Ապստամբներ, որոնք կռվել են ընդհանուր թշնամու դեմ, այսօր հացի պակասության

\* Ատրպատականի թեմի առաջնորդ, արքեպիսկոպոս Ներսես Սելիք-Թանգյան:  
\*\* Ժամանակը եւ տեղը դրվում է ըստ նույնաբովանդակ այլ նամակի, ուղղված Ռուբեն Տեր-Մինասյանին:

պատճառով անցնում են Պարսկաստան: Հասկացնել տվեք, որ Թորփաղ փուլին մի մեծ վիրավորանք է, որը Պարսկաստանը հասցնում է ինձ, իր երկրի հյուսիսը ամբողջ մի տարի պաշտպանողին: Թորփաղ փուլին դժվարացնում է գաղթականների անցըր Պարսկաստան եւ խորացնում-սրում Լեռնահայաստանի պարենավորման կրիզիսը: Հազար ու մի միջոցի դիմեք արագացնելու անցըր: Մշեցիներից ֆալաջիներ գտիր եւ կազմակերպիր անցի գործը: Գործի դրեք պարոմը: Գրեք եպիսկոպոսին, որ միջամտե անցի համար:

Սեղմ անկարելին կարելի դարձրեք, որ օր առաջ ազատվենք գաղթականությունից:

Բարեւ *Նժդեհ*

<1921թ. ապրիլի վերջ> \*

ՀՀԴ ԿԱ, 46-2: Բնագիր: Ինքնագիր: Նամակը գրված է Լեռնահայաստանի Սպարապետի դրոշմակնիքով թղթերի վրա:

Թիվ 21

Լեռնահայաստանի  
զինվորական  
Ուստարար-սպարապետ

ԳՈՂԹԱՆԻ ԶՈՐԱՄԱՍԻ ՊԵՏԻՆ

N 007  
7 մայիս 1921թ.

Գողթանի գյուղերը ձեւականորեն, առերես, իրենց հայտարարել են սովետական հարեւան թրքությունից հացահատիկ ստանալու համար:

Ըստ վերջին տեղեկությունների Գողթանի հայ գյուղերում, բացի տեղացի ընթերցողների անդամները, դրսից եկած մեծամասնական ուժեր չկան:

Հրամայում եմ

1. Ձեր զորամասով Ղափուջուղի վրայով անցնել Գողթան այդ շրջանին տիրելու նպատակով: Շարժվել այսօր եւ երբ:

\* Ժամանակը, որը բացակայում է նամակում, դրվում է ըստ բովանդակության եւ Վահան Մինախոյանի «Ապրիլի 2-ի գաղթը» հոդվածի, ըստ որի հայ տառագիրների զանգվածային գետանցը սկսվել է 1921թ. ապրիլի 25-ին: («Հայրենիք», ամսագիր, 1923թ., թիվ 2, էջ 92):

2. Գյուղերը գրավելուն պես շրջանը հայտարարել զինվորական դրության մեջ:

3. Ստեղծել քաղաքացիական իշխանություն եւ ենթարկել Ձեզ:

4. Բռնագրավել եղբ[այր] Սարգսյանների մոտ եղած ամբողջ խասքելը (մոտավորապես 60 փութ) եւ փոխանակել հացահատիկով գորքի համար:

5. Հավաքել եւ դնել գորքի տրամադրության տակ գյուղացիության կողմից պետական պահեստներից տարված ռազմամթերքը, գնդացիները եւ քնդանոթը:

6. Գնդակահարել բժ[իշկ] Գարեգին Սարգսյանին, նախկին վարատար Շիգանյանին եւ Ջանկուլյանին:

7. Կապվել մուսուլման ապստամբ ուժերի հետ եւ պարզել նրանց մեր քաղաքական նպատակը: Թուրք ապստամբների պարագլուխներն են՝ Ռահիմ խան, Քելբալայի Քերիմ եւ Քելբալայի Մուխթար:

8. Լուրջ լրտեսությամբ պարզել թշնամու ուժերի քանակը եւ դասավորությունը Օրդուբաթում, Ջուլֆայում եւ Նախիջեւանում եւ հաղորդագրել ինձ:

9. Կապ եւ կոնտակտ ստեղծել Գենվազի ուժերի հետ եւ նախապատրաստել Օրդուբաթի գրավումը:

10. Թշնամու Օրդուբաթի կողմից Կարճեւանի վրա հարձակման դեպքում զարկել, հարվածել թշնամուն թիկունքից:

Ձորավար  
*Նժդեհ*

ՀՅԴ ԿԱ: Բնագիր: Ինքնագիր:

**Թիվ 22**

**Հ Յ Դ Ա Շ Ն Ա Կ Ց Ո Ւ Թ Յ Ա Ն Ա Տ Ր Պ [ Ա Տ Ա Կ Ա Ն Ի ]  
Կ Ե Ն Տ Ր [ Ո Ն Ա Կ Ա Ն ] Կ Ո Մ Ի Տ Ե Ն Ն**

Սիր[ելի] ընկերներ.

Գալիս է ընկեր Համոն,<sup>\*</sup> որը Ձեզ ինֆորմե կանե Լեռնահայաստանի, Արարատյան Հայաստանի եւ Ռուսաստանի դրության մասին: Բոլոր դրություններից որքան էլ որ նրանք կրիտիքական լինեն, ըստ իս, *վճռական եւ ուժեղ ցանկության դեպքում* միշտ էլ կարելի է պատվով

<sup>\*</sup> Համո Օհանջանյան:

դուրս գալ: Մենք եւ մեր կուսակցությունը փրկեցինք մեր ցեղի մտավորականությունը կարմիր կացինից: Դա ինքնին մի մեծ, պատմական ճառագայություն է: Եթե երեւանյան ապստամբությունը տարերային բնույթ չունենար. եթե դա առաջացրած ու վարած լիներ միայն ու միմիայն մեր կուսակցությունը՝ գուցե եւ կատաստրոֆան տեղի չունենար: Ինչ որ է, փաստը կատարված է, Երեւանն ընկած: Լարենք մեր բովանդակ ուժերը, ջրցեղենք մեր թուլացած կամքն ու ցանկությունը եւ պատրաստվենք Ռուսաստանը եւ Անդրկովկասը լցնող ժողովրդների հետ ընդհանուր գրոհի:

Դաշնակցական ջերմ բարեւներով՝  
*Ձեր Նժդեհ*

11 մայիս <1921թ.>  
Հանքեր

ՀՅԴ ԿԱ: Բնագիր: Ինքնագիր: Լամակը գրված է Լեռնահայաստանի Սպարապետի որոշմակնիքով թղթի վրա:

**Թիվ 23**

**Ս Ի Ր [ Ե Լ Ի ] Ո Ռ Ւ Բ Ե Ն !**

Տաճկահայ զորամասի կատարած վերջին խայտառակությունը, այն է՝ մի ամբողջ խմբակի թշնամու կողմն անցնելը կիսով չափ կոտորել է եւ իմ, եւ Լեռնահայաստանի մեջքը: Այն, որ դու քիչ կարեւորություն ես տալիս այդ անչափելի դավաճանությանը՝ ինձ կատաղեցնում է:

Գիտեմ, խեղդվողը իրեն հետ դեպ անդունդն է քաշում եւ իրեն օգնության ձեռք մեկնողին, բայց չէ որ այդպիսով ինքը չէ փրկվում: Ես մեկնում եմ Գորիս: Ցտեսություն:

Բարեւներով՝  
*Նժդեհ*

1921, 13 մայիս  
Մեղրի

ՀՅԴ ԿԱ, 46-2: Բնագիր: Ինքնագիր: Գրված է «Վարչապետ Լեռնահայաստանի կառավարության» որոշմակնիքով թղթի վրա:

<sup>\*</sup> Տարեթիվը որոշվում է ըստ փաստաթղթի բովանդակության:

Թիվ 24

Լեռնահայաստանի  
կառավարություն  
Նախարարների խորհուրդ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ՆԱԽԱԳԱՐ  
ԸՆԿ. Ս. ՎՐԱՑՅԱՆԻՆ՝ ԹԱՎՐԻՁ

N 1188  
20 մայիս 1921թ.  
Գորիս

Կառավարությունը, ծանոթանալով Ձեր՝ սպարապետին ուղղած նամակի բովանդակությանը, անհրաժեշտ կնկատե հայտնելու Ձեզ, որ նա եւս կարելու կդատե մի լեզու գտնել Հայ եւ Թուրք վեճի շուրջ գոնե ժամանակավորապես հասկացողության մը գալու համար:

Մեր կառավարությունը այն կարծիքին է, որ երկուստեք պետք է համանման զիջումներ լինեն. մի կողմից Ղարաբաղի նկատմամբ, մյուս կողմից Շարուր-Նախիջեւանի, առաջինը, որոշ պայմաններով, ենթարկելով Ազրբեյջանին, երկրորդը՝ Հայաստանին:

Կարելուր նկատելով թուրք ներկայացուցիչների հետ վարվելիք բանակցությունները, Լեռնահայաստանի կառավարությունը այդ բանակցությանց մասնակցելու համար իր կողմից պաշտոնական ներկայացուցիչ է նշանակում արդարադատության եւ լուսավորության նախարար ընկեր Հովհաննես Տեւեճյանին, որը լինելու է մեր կառավարության տեսակետների արտահայտողը եւ միաժամանակ Հայաստանի Հանրապետության կառավարության եւ Լեռնահայաստանի կառավարության միջեւ գոյություն ունեցող մի շարք խնդիրների մասին աշխատելու է գալ որոշ հասկացողության:

Լեռնահայաստանի նախարարապետ  
*Նժդեհ*

ՀՀԴ ԿԱ, Ս. 4. 5-9: Բնագիր: Ձեռագիր (ոչ Նժդեհի ձեռքով): Փաստաթուղթը ունի մուտքագրում 21. V:

Թիվ 25

Խիստ գաղտնի  
N 0135

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
ՓՈԽՆԱԽԱԳԱՐ պ-ն. Ա. ՀՈՎՀԱՆՆԻՍՅԱՆԻՆ

Լեռնահայաստանի կառավարությունը եւ սպարապետությունը այսու անհրաժեշտ են նկատում վճռապես հայտնելու Ձեզ հետեւյալը.

Երեւանի զորամասերը, որ Ձեր կառավարության կողմից դրվել էին մեր զորահրամանատարության տրամադրության տակ, իրանց ղեկավարներով միասին, դարձել են մի գործիք քայքայման եւ դասալքության:

Այն շրջաններում, ուր նրանք գտնվում են, տիրում է կազմակերպված թալանը եւ պրովոկացիան: Ձորամասի մեջ բացարձակապես բացակայում է կարգապահության ու կռվի տրամադրությունը: Ընդհակառակը, օրեցօր տարածվում է դասալիքի հոգեբանությունը շնորհիվ երեւանյան հրամանատարության ընթացքին: Վերջինս մինչեւ այսօր չի կատարել իմ քանիցս կրկնած հրամաններս, եւ այդ բոլորը, այսպես թե այնպես, կապվում է Ձեր կառավարության հետ:

Այսու հայտնում ենք Ձեզ, որ Ձեր նախարարությունը կամ պետք է վերադառնա իր զորքի մոտ եւ տեր լինի նրան ու աշխատի օգտագործել, կամ գրավոր կերպով պետք է հայտնե մեզ, թե նա հրաժարվում է այդ զորքի հետ որեւէ կապ ունենալու եւ չի հետաքրքրվում նրա ճակատագրով:

Այս բոլորը տանում է դեպի Լեռնահայաստանի կործանումն, որի ամբողջ պատասխանատվությունը ընկնելու է Հայաստանի կառավարության եւ երեւանյան զորամասի հրամանատարության վրա:

Սպասում են Ձեր շուտափույթ պատասխանին:

Լեռնահայաստանի վարչապետ՝  
Ձորավար *Նժդեհ*

<21> մայիսի 1921թ.

ՀՀԴ ԿԱ, Ս. 4. 5-10: Բնագիր: Ձեռագիր (ոչ Նժդեհի): Գրված է Հայաստանի կառավարության մինիստր-նախագահի դրոշմակնիքով թղթի վրա: Նույն նամակը, փոքր տարբերությամբ, հասցեագրվել է նաեւ Հայաստանի Հանրապետության կառավարության նախագահ Ս. Վրացյանին: Ըստ վերջինի էլ դրվում է փաստաթղթի օրը:

Թիվ 26

Խիստ գաղտնի  
ՀԱՅԱՍՏԱՆԻ ՓՈԽՄՊԱՐԱՊԵՏ ԿՈՒՌՈՅԻՆ

1 հունիսի 1921թ.  
Հանքեր

Հրամայում եմ Ձեզ տրված մարտական խնդիրը՝ Վայոց Ձորի վերագրավումը իրագործել ոչ ուշ քան ամսույս 7-ը: Օպերացիան հաջողությամբ պսակելու համար առաջնորդվել այս հրահանգներով:

1. Խուսափել կռիվներին դիրքային, ձգձգվող բնույթ տալուց:
2. Գործողություններն տարերային ու ահաբեկիչ դարձնելու համար գործածել մեծ քանակությամբ ձեռնառումներ եւ ուժանակ (динамит):
3. Գիշերով բռնել կարելու ռազմագիտական կետերը եւ դեռ լույսը չբացված արագ ու վճռական առաջխաղացմամբ հանկարծակի բերել թշնամուն:

4. Ամենուրեք թշնամու ուժերը առնել արքանի մեջ (бзять в клещи) եւ այսպիսով զրկել նրան դիմադրելու կամ համառելու հնարավորությունից:

5. Հարձակումից առնվազն մեկուկես ժամ առաջ թեթեւ զորախմբակներ անցկացնել թշնամու թիկունքն ու թեւերը:

6. Երբեք մասսայական կրակ չբանալ եւ թույլ տալ զինվորներին միայն իրենց պետերի հրամանով կրակել, այն է 800 քայլի վրա:

7. Առաջին հարվածով իսկ անդամալուծել թշնամու հրետանիներն, որոնց տեղը հաստատորեն պետք է իմանալ նախօրոք:

8. Ամեն մի հաջողություն օգտագործել ամենալայն մասշտաբով, որի համար թշնամու ուժերի հետապնդումը շարունակել այնքան ժամանակ, մինչեւ որ վերջինս կզրկվի այս կամ այն կարելու ռազմագիտական կետի վրա ամրանալու եւ ապա հակահարձակողականի անցնելու ամենաթույլ հնարավորությունից:

9. Չորսայունների պետերից պահանջել, որ խստիվ ներդաշնակեն իրենց գործողությունները, երբեք չթուլացնելով օպերացիայի ամբողջ ընթացքում կենդանի կապն ու կոնտակտը:

10. Բոլոր խնդիրները իրագործել առանձին վճռականությամբ եւ արագությամբ, քաջ գիտակցելով, որ լեռնային կռիվներում մետոդիզմից գերադասելին խիզախությունն է, վտանգի անգիտակցումը (риск):

11. Կռիվները ղեկավարել անձամբ եւ բոլոր պետերի խնդիրները դնել այս ձեռով:

«Մեռիր, բայց հաղթիր»:

Հայաստանի սպարապետ զորավար

Նժդեհ

ՀՅԴ ԿԱ, 1650-3 Սպարապետի օգնական Կուռոյի վավերագրերի Ա տետր, էջ 48-49: Սույն եւ հաջորդ բոլոր հրամանները (թիվ 30, 32-36) Կուռո Թաթխանյանի մոտ պահվող բնագրերից տետրերի մեջ արտագրված օրինակներ են, «Նժդեհ» ստորագրությամբ, ոչ Նժդեհի ձեռագրով: Նժդեհի ստորագրած պատճենը (ոչ Նժդեհի ձեռագիր) տես նույն տեղը, գ. Ա.Վ. 5-15:

Թիվ 27

ՀՀ ԿԱՌԱՎԱՐՈՒԹՅԱՆ ՎԱՐՉԱՊԵՏ  
ՎՐԱՑՅԱՆԻՆ (Թավրիզում)

Լեռնահայաստանը ինձ համար եղել է ու կմնա ինքնապատակ եւ ոչ <1 ամրնք. բառ> Հայաստան ասելով ես հասկացել եմ նախ եւ առաջ մեծ Սյունիքը եւ հենց սրանով պետք է բացատրել իմ որոշումը՝ ինչ գնով էլ որ լինի ձեռքից չտալ այս երկիրը:

Ես կուզեի, որ իմ բոլոր ընկերները բաժանեին իմ կարծիքը եւ Լեռնահայաստանի ինքնապաշտպանության գործում առաջնորդվեին իմ տեսակետով: Առանց Մեծ Սյունիքի Միացյալ եւ Անկախ Հայաստան լինել չի կարող: Ահա այն մեծ ճշմարտությունը, որի մոռացումով մենք կկորցնենք ամեն ինչ:

Առաջարկում եմ.

1. Ամեն կերպ աշխատել մեր ապստամբական շարժումը վերածել համաանդրկովկասյան շարժման, նոր ռազմա-քաղաքական բազաներ ստեղծելով Ադրբեջանում եւ Վրաստանում:

2. Զբավականանալ Եվրոպայում ստեղծված կոմիտեով եւ ամենակարճ ժամանակամիջոցում հայերից, թուրքերից եւ վրացիներից խառն կոմիտեներ ստեղծել նաեւ Հայաստանում, Ադրբեջանում եւ Վրաստանում: Այդ առթիվ հրահանգել մեր դիվանագիտական ներկայացուցչությանը:

3. Ոչ մի միջոց չխնայել ռազմամթերք ներմուծելու Հայաստան (Լեռնահայաստան):

ՀՀ Ձինվորական նախարար Սպարապետ

Չորավար՝ Նժդեհ

1921թ. 17 հունիս  
Հանքեր

ՀՅԴ ԿԱ, <...>-11: Ձեռագիր (ոչ Նժդեհի ձեռքով գրված): Փաստաթղթի վրա արված է մուտքագրում. N 27 22/VI 921 Թավրիզ:

Թիվ 28

ԱՏՐՊԱՏԱԿԱՆԻ ԿԵՆՏՐՈՆԱԿԱՆ] ԿՈՄԻՏԵԻ  
ԸՆԿԵՐՆԵՐԻՆ

Ամսիս 15-ին, 16-ին եւ 17-ին մեր կողմից վերագրավված է ամբողջ Դարալագյազը: Վերցրել ենք 5 լեռնային թնդանոթ, 26 գնդացիր, 300-ից ավելի գերիներ, որոնցից 5 սպաներ եւ մեծ պատերազմական ավար: Թշնամու այդ շրջանում գործով զորամասը կարելի է գլխովին ջարդված ու գերված համարել: Լեռնահայաստանի մնացած ռազմաճակատներում հանգիստ է, անփոփոխ:

Ընկերական բարեւոյներով  
Ձորավար *Նժդեհ*

17 հունիսի] 1921թ.  
Ղափան

ՀՀԴ ԿԱ, 412 Ա 2-4: Բնագիր: Ինքնագիր:

Թիվ 29

ՀՀ ՄԻՆԻՍՏՐԱԿԱՆ ԽՈՐՀՐԴԻՆ  
Պատճեն վարչապետ Վրացյանին (Թավրիզում)

Դարալագյազի վերագրվումը մեր թշնամիները կարող են բացատրել իբրեւ թշնամական ակտ դեպի Սովետական Հայաստանը, որի հետեւանքով կարող են երեւանում լինել զանազան թեպրեսիաներ ոչ բոլշեւիկ տարրերի վերաբերմամբ:

Այդ բանը կանխելու համար անհրաժեշտ է անել մի հայտարարություն այն իմաստով, որ Դարալագյազի վերագրվումը տեղի է ունեցել նույն վայրի գյուղացիության համագումարի որոշման համաձայն, եւ որ բռնարար սովետականացրած գյուղերի վերագրվումով մենք ցանկացել ենք միայն եւ միմիայն ամբողջացնել Լեռնահայաստանի տերրիտորիան:

Զինվորական նախարար Սպարապետ  
Ձորավար *Նժդեհ*

17 հունիսի 1921թ.  
Հանքեր

ՀՀԴ ԿԱ, Ա.Վ. 5-13: Ստորագրված պատճեն: Ձեռագիր (ոչ Նժդեհի ձեռքով): Փաստաթուղթն ունի մուտք անելու նշում N 26, 22. VI. 921 Թավրիզ:

Թիվ 30

Հեռախոսագիր Գորիսից  
ՀԱՅԱՍՏԱՆԻ ՍՊԱՐԱՊԵՏԻ ՕԳՆԱԿԱՆ  
ԳՆԴԱՊԵՏ ԿՈՒՌՈՅԻՆ

<Շուրջ 20 հունիսի 1921թ.>

Թշնամին անգորացած է, սակայն գործողություններ սկսելու մտադրություն ունի: Հավանական եմ համարում հարձակումը Սիսիանի վրա, որը, ինչ մասշտաբով էլ որ սկսվի, վերջանալու է թշնամու կատարյալ պարտությամբ: Արեւմտյան ճակատի, այն է Սիսիանի եւ Դարալագյազի ռազմագիտական դրությունը ավելի եւս կայուն դարձնելու համար հրամայում եմ առաջինը. ամեն տեսակետից ուժեղացնել Սիսիանը, պահելով այնտեղ 2 թնդանոթ եւ գնդացրային մեկ դիվիզիոն: Անհրաժեշտ է Սիսիան վերադարձնել նաեւ փոխգնդապետ Թորոսյանին, որոշ ուժերի հետ: 2. Ուժեղացնել կենդանի կապը զորձանային (sic) գծով Սիսիանի եւ Դարալագյազի միջեւ: Թշնամին, որ ճակատից էլ որ սկսելու լինի իր հարձակումը, մեզ թողնելու է լայն հնարավորություն իրեն Սիսիանի մեջ սեղմելու, *взять в клещи*. Ուրեմն ամեն կերպ աշխատեք սկսվելիք կռիվների ժամանակ դիմելու տաքտիքական խելոք միջոցին: Հայտնեք զորամասերին եւ իրենց պետերին, որ մեր կռիվը այսուհետեւ լինելու է Ադրբեջանի դեմ, որը մուսաֆատական, թե սովետական մնում է նույն հայակերը: Հայաստանում եւ Ադրբեջանում ռուս բոլշեւիկներ գրեթե չկան: Եղածները նրանք են, որոնք բոլշեւիկների Անդրկովկաս մտնելուց առաջ ապրել են Ադրբեջանում եւ այժմ, հեռանալու հնարավորություն չունենալով, մնում են Ադրբեջանում որպես վարձկաններ:

Ձորասպ[արապետ]  
*Նժդեհ*

ՀՀԴ ԿԱ, 1650-3՝ Սպարապետի օգնական Կուռոյի վավերագրերի Ա տետր, էջ 4-5:

\* ժամանակը որոշվում է ըստ արխիվային գործի կից փաստաթղթերի:  
\*\* Աքցանի մեջ առնել: (Բնագրի թարգմ.):



## Թիվ 31

## ՍԻՐ[ԵԼԻ] ՍԻՍՈՆ !

Ամիր Արշաղը թնդանոթ եւ երկու զնդացիոր խնդրել է մի քանի օրով: Վերջինիս խնդիրը պետք է հարգել, որովհետեւ նրա հաջողութիւնը, թե պարտութիւնը մերը պետք է համարել: Ամիրը հանուն մեր երկրի եւ Գործի պետք է ուժեղ լինի Ատրպատականում: Կխնդրեի այդ բանը միշտ ի նկատի ունենալ:

Բարեւներով  
*Նժդեհ*

1921, 21 հունիս

ՀՀ ԿԱ: Ս.Վ. 5-14: Բնագիր: Ինքնագիր:

## Թիվ 32

Բազարչայ Գորիսից  
ՄՊԱՐԱՊԵՏԻ ՕԳՆԱԿԱՆ ԿՈՒՈՅԻՆ

23 հունիսի 1921թ.

Արեւմտյան ճակատի մեր անհաջողութիւնները կառավարության համար անսպասելի էին: Հրամայեք զորամասերի պետերին, որ դիմադրեն հերոսաբար: Դարալագյազի զիջումով կվտանգեք Սիսիանը, որը Լեռնահայաստանի ամենաուժեղ կենտրոնն է եւ նախադուռը: Որոշ տեղերում անցնել հակահարձակողականի եւ ջարդել թշնամուն: Ծայրահեղ դեպքում բռնել Դուշչի-Գնդեւազ եւ Ջուլ գիծը: Ամեն կերպ աշխատեք խուճապի չմատնել Սիսիանը: Մեր դեմ կռիւների 70 տոկոսը թրքու-թյունն է: Եղեք վճռական: Շուտով մի տեղից կգարկեմ թշնամուն եւ կստիպեմ իր ուժերի մի մասը փախցնելու Դարալագյազից:

ՀՀ Սպարապետ զորավար  
*Նժդեհ*

ՀՀ ԿԱ, 1650-3 Սպարապետի օգնական Կուռոյի վավերագրերի Ա տետր, էջ 42:

## Թիվ 33

Հեռախոսագիր թիվ 2911

Գորիսից Բազարչայ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՄՊԱՐԱՊԵՏԻ ՕԳՆԱԿԱՆ ԿՈՒՈՅԻՆ

Պատճեն Յապոնին, Մեսրոբին, Թորոսյանին եւ բոլոր ղեկավարներին

23 հունիսի 1921թ.

Մեր դեմ կռիւնը քողարկված Ադրբեջանն է, որին միացել են 2-3 հարյուր մոլորված եւ ծախված հայ եւ ռուս սրիկաներ <մեկ անընթ. բառ> լինի ձեզ. եթե ողորմելի թաթարի առաջ է գետի տակ համարեք, (sic!-կազմողներ) կռվեք, հակահարձակվեք, մեռեք հերոսաբար ու հաղթեք. հրամայորեն այդ է պահանջում ձեզնից հայ ազգը եւ պատմութիւնը: Կռվեք, դիմադրեք եւ այդպիսով հնարավորութիւն տվեք ինձ շատ մոտ օրերում ուժերի կեսից ավելին մի այլ վայրում քաշել իմ դեմ. կռվեք, Աստված, իմ հոգին եւ հայ աշխատավորության տերը ձեզ հետ:

Հայաստանի Սպարապետ,  
զորավար *Նժդեհ*

ՀՀ ԿԱ, 1650-3 Սպարապետի օգնական Կուռոյի վավերագրերի Ա տետր, էջ 9:

## Թիվ 34

## ՀՀ ՓՈԽՄՊԱՐԱՊԵՏ ՔՆԴ[ԱՊԵՏ] ԿՈՒՈՅԻՆ

24 հունիսի 1921թ., ժամը 20  
Ղարաքիլիսա

Ձեր հաղորդագրութիւններից պարզվում է, որ գրեթե կռիւներ տեղի չեն ունեցել, եւ որ մեր զորքերը գոհ են դառել հանցավոր պրոպագանդայի: Կռվում պարտված թշնամին պրոպագանդայով հաղթեց, ցավալի է: Կղատենք, կղատապարտենք հետո, այժմ ոտքի հանենք մեր բովանդակ մարտական եւ բարոյական ուժերը ստեղծված դրութիւնից պատվով դուրս գալու համար: Թշնամին որոշ ուժեր է շարժում նաեւ Գենվազի եւ բուն Ջանգեզուրի վրա՝ ըստ այսօրվա Նախիջեւանից վերադարձած սուրհանդակի ինֆորմացիայի: Անխոցելի պետք է դարձնել

Գենվազի-Ղափանի եւ բուն Չանգեզուրի ճակատները, որպէսզի նախ կանտոնը կանտոնից եւ ապա Լեռնահայաստանը դրսի աշխարհից չկտրվի: Այդ նպատակով անցնում են Գեղվաձորով Ղափան-Գենվազ-Բաղաբերդ: Եղեք վճռական, օգտագործեք բոլոր հնարավորությունները եւ հավատացեք, որ մենք ենք հաղթելու:

ՀՀ Սպարապետ՝  
Ջորավար Նժդեհ

ՀՅԴ ԿԱ, 1650-2՝ Սպարապետի օգնական Կուռոյի վավերագրերի Բ տետր, էջ 126-127:

Թիվ 35

ԿՈՒՌՈՅԻՆ

24 հունիսի <1921թ.>

Կարգադրեցի 400 հետեւակ զինվորներ ուղարկելու ձեր տրամադրության տակ՝ գնդապետ Թորոսյանի ուժերը փոխադրելու համար: Երեւանյան ուժերի հետքաշվելը կարող է լքում առաջացնել, պետք է թողնել ճակատում: Եթե գտնում եք, որ Գնդեազում թնդանոթ թողնելը վտանգավոր է՝ հրամայիր տեղափոխել Բազարչայ: Սիսիանի ճակատները ամրացվում են: Բոլոր զենքի ընդունակները հավաքում են: Ինստրուկցիաները կստանաք սուրհանդակով մեկուկես ժամ հետո:

Նժդեհ

ՀՅԴ ԿԱ, 1650-3 Սպարապետի օգնական Կուռոյի վավերագրերի Ա տետր, էջ 16:

Թիվ 36

ՍՊԱՐԱՊԵՏԻ ՕԳՆԱԿԱՆ ԿՈՒՌՈՅԻՆ

24 հունիսի <1921թ.>  
Ժամը 24

Լուսաբացին տեղը կհասնեն նախարարներ Մելիք-Եղիշյանն ու Եղիազարյանը, որոնք տեղնուտեղը կլուծեն այդ հարցը: Մինչեւ այդ հրամայում են մարտնչող Սիսիանը չանվանել անվստահ եւ դավաճան ու

արհեստական կերպով պանիկա ստեղծելով, առանց կռվի, ինչպես այդ եղել է, եւ ավելի եւս չվտանգել դրությունը<sup>2</sup>:

Սպարապետ  
Նժդեհ

ՀՅԴ ԿԱ, 1650-2՝ Սպարապետի օգնական Կուռոյի վավերագրերի Բ տետր, էջ 119:

Թիվ 37

Լեռնահայաստանի  
Զինվորական  
Նախարար-Սպարապետ

Պատճեն  
ՀՀ ՄԻՆԻՍՏՐԱԿԱՆ ԽՈՐՀՐԴԻՆ  
Պատճենները՝ վարչապետ Վրացյանին

26 հունիս 1921թ.

Իմ 707 գրությամբ ես ցանկացել եմ տալ Ձեզ ստեղծված դրության իրականության մոտ պատկերը: Այժմ կուզեի երկու խոսք ասել ստեղծված կացությունից դուրս գալու միջոցների մասին:

Ձկա մի դրություն, որից վճռականության դեպքում, որքան էլ որ նա կրիտիկական լինի, կարելի չլինե՞ր պատվով դուրս գալ: Ուրեմն, նախ պետք է վճռականություն մեր դիմադրական կռիվը շարունակել մինչեւ վերջին հնարավորություն, մինչեւ վերջին զինվորն ու փամփուշտը:

Երկրորդը՝ պետք է ստեղծել այնպիսի մի հոգեբանական մթնոլորտ, որը հնարավորություն տար մեր կառավարությանը, զորքին, հասարակական ու քաղաքական ուժերի գլուխն անցած ղեկավարներին, առանց ջղայնության, պանիկայի ու կորստաբեր հարայիրոցի անձնվիրորեն շարունակելու իրանց տրված գործը:

Երրորդը՝ օրվա ընթացքում, ուժերի ծայր աստիճան լարումով, պետք է աշխատել 24 ժամ ու հավատալ, որ ինչ էլ լինի, հաղթելու ենք մենք, հաղթելու ենք էտիկապես անգամ, անգամ վերջնական ռազմական պարտության դեպքում:

ՀՀ Զինվորական Նախարար Սպարապետ՝  
Ջորավար Նժդեհ

1921թ. 26 հունիսի  
Հանքեր

ՀՅՂ ԿԱ, Նժդեհի կողմից ստորագրված 2 պատճեններ: Ձեռագիր ոչ Նժդեհի ձեռագրով: Մեկը գրված է Լեոնահայաստանի Ձինվորական նախարար-սպարապետի դրոշմակնիքով թղթի վրա: Երկրորդ օրինակը տես գ. Ա.Վ. 5-16:

Թիվ 38

ՀԱՅԱՍՏԱՆԻ ՎԱՐՉԱՊԵՏԻՆ

Սիրելի ընկեր!

Մինչև հոգուս խորքը խոցված եմ, վիրավորված երեւանյան զորքերի եւ հրամանատարության կատարած անլուր դավաճանությունից: Ես Լեոնիդայան կիրճեր, հրաշագործություններ չէի սպասում երեւանյան զորամասերից, որովհետեւ քաջ ծանոթ էի նրա հրամանատարների 90%-ի պարտվողական հոգեբանության հետ, բայց չէի սպասում նաեւ, որ այդպես անաստվածորեն կապտակեն իմ հպարտությունը, առանց դանակի կնորթեն իմ հավատը: Մեւ լինել այն օրը, երբ այդ թունավորված զորամասերը հայտարարվեցին Դավիթբեգյան ժողովրդական բանակի շարքերում: 3000-ի հասնող զորամասը Վայոց Ձորի մեր հաջողությունից հետո, բացառությամբ Խնձորի եւ Մուկուչի հեծելախմբերի՝ մի մարդու պես, թշնամու աննշան կոնտրիարծակումից ահաբեկված, անցնում է կարմիրների կողմը: Կուռռն, որին հրամայված էր ան<...> մնալ Վայոց Ձորում եւ արթուն հսկել ու սատարել, ամենակարճ ժամանակում կազմակերպել ժողովրդական վաշտեր եւ ուժեղ արմինիստրացիա,- չգիտեմ ինչու ամբողջ շտաբով վերադառնում է Բազարչայ եւ Արշակ Յովհաննիսյանին վերջնագրի ձեւով չորս օր ժամանակ տալիս ընդունելու իր հրաժարականը: Արշակը չի ընդունում հրաժարականը, պատճառաբանելով, որ այդ առթիվ պետք է դիմել զինվորական նախարար-Սպարապետին: Կուռռն մնում է Բազարչայում, իսկ Յովհաննիսյանը գալիս է Գորիս գեկուցելու իրերի դրության մասին: Ընդամենը մի օր անց Կուռռն հաղորդագրում է ինձ, թե թշնամին գործողություններ է սկսել: Յրամայում եմ անրանալ եւ ինքնապաշտպանվել: Երկրորդ օրը կատարվում է անլուր խայտառակությունը: Պատճառները մեկից, երկուսից ավելի են: Չգիտեմ ինչու Կուռռն առանց իմ թույլտվության գերիներից մի քանի հարյուր հոգուն զինում է եւ խառնում իր զորքերին, որոնք կռվի ժամանակ անցնում են թշնամու կողմը եւ իրենց հետ քաշում հազարավորներին:

Թերմոպիլի կիրճում Սպարտայի թագավոր Լեոնիդասի հրամանատարությամբ հույների տարած հաղթանակը պարսիկների նկատմամբ (480թ. մ.թ.ա.):

Ձորքը եղել է անդեկավար եւ անկոնտրոլ ու հեշտությամբ բարոյալքման է ենթարկվել: Այդ կատաստրոֆից հետո երեւանյան հեծելախումբը ինքնագուլիս թողնում գալիս է Դուշչիից եւ մերկացնում Գնդեւազի աջ թեւը: Սիսիանի զորամասը թողնելով Խաչիկը, ամրանում է հարավային Դարալագյազում մինչեւ որ Նախիջեւանը եւ Մինքենդը երկու կողմից սկսում են իրենց հարձակումները Սիսիանի վրա եւ կատաստրոֆի չորրորդ օրը ստիպում կառավարության հրահանգելու սիսիանցիներին քաշվելու եւ ամրանալու Սիսիանի սահմաններում:

Այժմ կռիվը Սիսիանի վրա է: Ժողովուրդը պաշտպանվում է հերոսաբար: Զգացվում է եռագծանի փամփուշտի կարիք:

Ամեն կերպ աշխատեք զոհե հարյուր հազար հատ հասցնել ամենակարճ ժամանակամիջոցում:

Բարեւներով Ձորավար  
*Նժդեհ*

<...>հունիսի 1921թ.  
Հանքեր

ՀՅՂ ԿԱ, Ա.Վ. 5-17: Ինքնագիր:

Թիվ 39

Հ Յ ԴԱՇՆԱԿՑՈՒԹՅԱՆ ԱՏՐ[ՊԱՏԱԿԱՆԻ] ԿԵՆՏՐՈՆԱԿԱՆ] ԿՈՄԻՏԵԻՆ

Սիր[ելի] ընկերներ.  
Մեր ընկեր Գուրգեն Աղայանի գլխավորությամբ Ձեզ մոտ են գալիս իմ երեք զինակիցները, որոնց, խնդրում եմ, ընդունել, լսել եւ անել հարկավորը:

Ընկերական բարեւներով Ձոր[ավար]  
*Նժդեհ*

15 հուլի[սի] 1921թ.

ՀՅՂ ԿԱ: Բնագիր: Ինքնագիր: Նամակը գրված է Լեոնահայաստանի կառավարության մինիստր-նախագահի դրոշմակնիքով թղթի վրա:

## Թիվ 40

Հ 3 ԴԱՇՆԱԿՑՈՒԹՅԱՆ ԱՏՐՊԱՏԱԿԱՆԻ  
Կ[ԵՆՏՐՈՆԱԿԱՆ] ԿՈՄԻՏԵԻՆ

Գաղտնի

Արարատյան Հայաստանին սպառնացող տաճկական վտանգն ու Լեռնահայաստանը Ադրբեջանի անբաժան մասը հայտարարելու Բազմի փորձերը ստիպում են ինձ առայժմ մնալ Պարսկաստանում: Կխնդրեի այդ առթիվ կոնֆիդենցիալ տեսակցություն ունենալ Անգլիական եւ Ֆրանսիական միսսիաների հետ եւ առաջարկել իմ եւ զինակիցներիս ծառայությունը:

Սպասում եմ Ձեր պատասխանին:

Ընկերական բարեւներով

Չորավար՝ *Նժդեհ*

1921, 18 հուլիսի  
Մուժամբար

ՀՅԴ ԿԱ: Բնագիր: Ինքնագիր: Գրությունը գրված է «Վարչապետ Լեռնահայաստանի կառավարության» դրոշմակնիքով թղթի վրա:

## Թիվ 41

## ՍԻՐ[ԵԼԻ] ԸՆԿ[ԵՐ] ՍԻՍԵՈՆ

Լուրջ հանձնարարությամբ Ձեզ մոտ եմ գալիս ընկ. Աղայանի գլխավորությամբ իմ 3 զինակիցները, որոնց, խնդրում եմ, ընդունել, լսել եւ անել հարկավորը:

Ձերն բարեւներով

*Նժդեհ*

1921, 18 հուլիսի  
Մուժամբար

ՀՅԴ ԿԱ, Ս.Վ. 5-19: Բնագիր: Ինքնագիր:

## Թիվ 42

ՀԱՅԱՍՏԱՆԻ ԿՈՌԱՎԱՐՈՒԹՅԱՆ ՎԱՐՉԱՊԵՏ  
Ա-Ն Ս. ՎՐԱՑՅԱՆԻՆ

Գրությունն անբաժանելի Գուրգեն Աղայանը իմ կողմից ուղարկվում է ներկայացուցիչ, որին լիազորվում է մասնակցելու կառավարական բոլոր նիստերին վճռական ծայնի իրավունքով:

Չինվորական նախարար՝

Չորավար՝ *Նժդեհ*

26 հուլիս 1921թ.

ՀՅԴ ԿԱ: Ս.Վ. 5-20: Բնագիր: Չեռագիր (ոչ Նժդեհի ձեռքով): Գրությունը գրված է Լեռնահայաստանի Սպարապետի դրոշմակնիքով թղթի վրա:

## Թիվ 43

Խիստ գաղտնի

Հ 3 Դ ԱՏՐՊԱՏԱԿԱՆԻ Կ[ԵՆՏՐՈՆԱԿԱՆ] ԿՈՄԻՏԵԻՆ  
Պատճեն Հայաստանի կոմիտեին

Լեռնահայաստանում ես թողել եմ մի լուրջ կոնսպիրատիվ կազմակերպություն, տեխնիկ եւ այլ միջոցներով: Այդ երկրից ես չէի դուրս գա, չնայած որ Հայաստանի կառավարության փոխվարչապետ Արշակ Հովհաննիսյանը Ղափանում կառավարության եւ ՀՀԴաշնակցության անունից պահանջեց, որ ես չմնամ այդ երկրում, եթե այդ երկրի զինված գյուղացիությունը կանգնած չլիներ հացի եւ ռազմամթերքի կրիզիսի առաջ: Հավատացած, որ Լեռնահայաստանի ժողովուրդը յուր հունձը անելուց, հացը հավաքելուց հետո պիտ ըշե կարմիր հյուրերին: Ես երկուհարյուրի չափ գնդացիներ եւ թնդանոթների կեսից ավելին թողնելով երկրի ապահով թագստոցներում, երկու թնդանոթ եւ մի քանի գնդացի իմ ապագա անելիքների համար ինձ հետ անցկացրի Արաքսի վիճակի մեջ իմ մի սպայի եւ յոթը զինվորների հսկողությամբ թողեցի Դուզալում, իսկ գնդացիների կեսից ավելին, թվով հինգ հատ (5) հասցրել եմ Մուժամբար գյուղը: Բացի գնդացիները, այստեղ եմ բերել նաեւ անմարտունակ դարձրած երկու թնդանոթների ամենակարելուր սարքերը՝ զամոկները, պանորամաները եւ ուղարնիկները:

Խնդրում եմ կոմիտեիդ կողմից ուղարկել հատուկ մարդ, որ գա ընդունի այդ բոլորը եւ հոգա սրանց ապահով պահելու մասին:

Ընկերական բարեկեցիկ  
Չորավար Նժդեհ

<...> հուլիսի 1921թ.

ՀՀԴ ԿԱ: Նժդեհի կողմից ստորագրված պատճեն: Չեռագիր (ոչ Նժդեհի ձեռքով):  
Գրված է «Սպարապետություն Ձանգեղուր-Գողթանի» դրոշմակնիքով թղթի վրա:

Թիվ 44

ԸՆԿԵՐ ՍԻՍԵՈՆ !

Ընդունիր, որ եթե ես իմանայի, որ Լեռնահայաստանը Հայաստան հայտարարելով երկու կառավարությունները մեքենայաբար կմիացվեն եւ 11 նախարարներից 4-5 անպորտֆել ու անգործ կմնային, փոխվարչապետությունն էլ կտրվեր մեկ ուրիշին, կրկնում եմ, որ, եթե այդ բոլորն անգամ ենթադրեի, ես կխնդրեի քեզ եւ Հայաստանի կառավարության, թողնել Լեռնահայաստանը իր հին քաղաքական վիճակում:

Սյունիքը Հայաստան հայտարարելը մի քաղաքական ոճիր էր: Խոստովանենք, այդ 11 նախարարներից կաբինետ կազմելը, գոնե փոխվարչապետությունը Լեռնահայաստանի ժողովրդի միակ ընտրյալին չթողնելը դա առնվազն ժողովրդին դժգոհելու առիթ տալ էր: Դու, ինչպես գիտես, միայն մի քանի ժամ մնացիր նորաստեղծ Հայաստանում եւ բախտավոր էիր, որ, գտնվելով Թավրիզում, չէիր լսում հանկարծակիի եկած ու զայրացած ժողովրդի կրիտիկան: Ընդամենը մի քանի օր առաջ այդ ժողովուրդը Տաթևի համագումարում իր Սպարապետին դիկտատոր էր հայտարարել եւ հանկարծ Լեռնահայաստանը՝ Հայաստան, կառավարությունը Հայաստանի Հանրապետության կառավարություն. վեց նախարարների փոխարեն տասներեակը, երկու տասնյակի հասնող պաշտոնեության փոխարեն միայն Գորիսում երկու հարյուրի չափ եւ այլն, եւ այլն:

«Ո՞վ իրավունք տվեց Սպարապետին, որ իր դիկտատորական լիազորությունները գիջի իր կուսակցական ավագ ընկերոջը: Ո՞վ ընտրեց ու հաստատեց Հայաստանի հանրապետական կառավարությունը, այն էլ 11 նախարարներից բաղկացած: Այդ ո՞ր համագումարի միջոցով մեր երկիրը Հայաստան հայտարարվեց: Այդ ի՞նչ կառավարություն է, որի փոխվարչապետն, առաջ Սպարապետի կարծիքն իմանալու, բանակցություններ է սկսում Մինքենդի 2000-ի հասնող զինված քոչվորների հետ եւ 50.000.000ռ. հայկական չեկերով Սիսիանի ամենակարեւոր ռազմագի-

տական կետեր հանձնում թշնամուն եւ այսպիսով լայն հնարավորություն տալիս նրան մալականների վրայով կապվելու Նախիջևանի թրքության հետ, արագացնելու Դարալագյազի եւ Սիսիանի անկումը եւ վտանգելու Լեռնահայաստանի ընդհանուր ռազմական դրությունը: Ինչնեքի՞ս է պետք 200 հասնող պաշտոնեությունը, որի մի մասը սկսել է գողանալ, յուրացնել (կան փաստեր, գիտի պետական կոնտրոլը) եւ անգործությունից ամբողջ օրը նարդիով ու թղթախաղով է զբաղված: Այդ ի՞նչ երկիշխանություն է, չնայած որ իբր թե մի կառավարություն գոյություն ունի: Ինչո՞ւ Սպարապետի հրամանները չեն կատարվում Արարատյան գործառնախի հրամանատարության կողմից: Ինչո՞ւ է ձգձգվում Դարալագյազի օպերացիան, երբ երկու մալական գյուղերում հացը վերջանալու վրա է: Ինչո՞ւ չեն տեղահանվում մալականները, երբ հրամանն արդեն տրված է: Ինչո՞ւ իշխանությունը վերջ չի տալիս այդ նոր Ձանգիբասարին, ուր եւ սպայության, եւ զինվորության կողմից կատարվում է մի կատարյալ վակիխանալիա, որ գողանում են, ծախում, վալյուտա ստեղծում հազարավոր մարդիկ, ուր տեղի են ունեցել անգամ մալական կանանց բռնաբարության դեպքեր եւ սրիկաները անպատիժ են մնացել, չնայած Սպարապետի կողմից հրամայված է եղել գնդակահարել մեկին, երկուսին: Ինչո՞ւ են որոշ մարդիկ (բարձր պաշտոնյաներ) ներքին շուկայում սովետական թղթադրամ, որոշ տեղերում էլ ոսկի ծախսում, իսկ ստորին ծառայողներին որպես ռոճիկ տալիս հայկական գրեթե անարժեքացած չեկեր: Ինչո՞ւ Լեռնահայաստանի գորքի եւ ժողովրդի համար Պարսկաստանում գնված ցորենը տրվեց զաղթականության: Ինչո՞ւ եպիսկոպոսի գնած 20.000 փութ ցորենը չի փոխադրվում: Այդ ո՞վ է մեզ ցորենի փոխարեն հող ու ավագ տալիս եւ անպատիժ մնում: Հապա ի՞նչ եղավ 30.000ռ. ոսկին, որի մասին Տաթևի համագումարում հայտարարեց Սպարապետը: Մեր երկիրը, Հայաստան հայտարարելով, Հայաստանի օրին կընկնի: Պետք է երկիրը վերստին հայտարարել Լեռնահայաստան, փոխել կառավարությունը, Սպարապետից բացատրություն պահանջել ժողովրդի վստահությունն ու հավատը ի չարը գործ դնելու համար եւ այլն, եւ այլն»:

Ահա թե ինչ էին ասում-խոսում, թե ինչպես քննադատում եւ դառնություն ու դժգոհություն ստեղծում շատերը: Երկիրը Հայաստան հայտարարելուց ընդամենը մի շաբաթ հետո ստեղծվեց անվստահություն, սառնություն ու կասկածանքի մի ծանր ատմոսֆերա: Կառավարությունն այդ առթիվ ոչինչ չգիտեր կամ շատ քիչ բան գիտեր, որովհետեւ նա <1 անընթ. բառ> մնալով Գորիսում, լայն մասսաների հետ կապ չուներ: Միայն ես, <1 անընթ. բառ>, հրամանատարները, կոմիսարները եւ որոշ <1 անընթ. բառ> գործիչներ գիտեինք: Այդ բոլորը ստեղծել էր մի կացություն, երբ երկիրն ամեն րոպե կարող էր պայթել, բայց ժողովուրդը, վախենալով դրսի թշնամուց, բոլշեիկներից, դեռ լուռ էր: Ղափանը եւ Գեներալը, ուր ժողովուրդն ու զինվորությունը ականատես էին մեր

ճախարարներից մի քանիսի պարապ-սարապությանը, Արաքսի ափում ցորենի հետ տեղի ունեցող խաղերին, տոն տվեցին հակակառավարական շարժման: Առաջինն այդ երկու շրջանները անվստահություն հայտնեցին կառավարության-պահանջեցին երկիրը հայտարարել Լեռնահայաստան, ստեղծել նոր կառավարություն եւ այլն, եւ այլն:

Իմ դրությունն ավելի քան ծանր էր: Ես տեսնում էի, թե ինչպես էր երկիրը կործանվում: Բայց ես ելք, փրկություն չէի գտնում: Ես կանգնած էի մի երկրնտրանքի առաջ՝ ժողովուրդ կամ կառավարություն: Ժողովրդի կողմն անցնելով, 90 շանս կունենայի, որ ժամանակով, քանի դեռ երկրում չնչին քանակությամբ ռազմամթերք կար, փրկել դրությունը: Բայց կառավարությունը <1 անընթ. բառ>: Մեր կուսակցությունը կարող էր մի ծանր հարված ստանալ եւ ստիպված ես դիմեցի պալեստիկների եւ ոչինչ դուրս չեկավ: Դու չկայիր, դու, որ Գորիսում երկու կառավարությունների խառը նիստում այնքան հաջող մարզարեացար. «Թողնենք Նժդեհին վարչապետ, նա ծանոթ է ժողովրդին, ժողովուրդը կապված է նրան: Մենք պարտված երկրի կառավարություն ենք: Ժողովուրդը մեզ չի ճանաչում, կարող ենք երկիրը վտանգել»:

Դու չկայիր, դու, քո բանակցություններով տարված, չապրեցիր այն սրտապատառ տրագեդիան, որը բաժին ընկավ ինձ: Ահա, ընկեր Սիմեոն, բացարձակ ճշմարտությունը Լեռնահայաստանի մասին: Այն բոլորը, ինչ որ քեզ ասել են եւ շարունակում են ասել մութ եւ անցողական օրերի ծնունդ, այդ քաղաքական մոցիբուլիներն ու հուշարարները, սուտ զրպարտություններ են, անսահման վստահությամբ ու հավատով իր Սպարապետին դիկտատոր հայտարարող ժողովրդի վերաբերմունքը չէր կարող փոխվել: Պարզ է՝ ժողովուրդն իրեն խաբված զգաց, դժգոհեց եւ որի հետեւանքը եղավ այն, ինչ որ եղավ: Ես չեմ արտահայտում ժողովրդի վերաբերմունքը եւ չեմ մեղադրում անհատ այս կամ այն միմիստրին, քավ լիցի, բայց որ կատաստրոֆիկ սխալներ եղել են, այդ անուրանալի է:

Ընկերական բարեւներով՝

*Նժդեհ*

3. 9. Ընկեր Սիմեոն.

Քո բարեկամական նամակի որոշ տեղերն ինձ անասելիորեն դառնացրին: Այդ երբ եւ որտեղ է եղել, որ ես անկորեկտ վերաբերմունք եմ ցույց տվել Հայաստանի կառավարությանը ինկորպորե: Ինձ զրպարտող պարոնը եթե քաղաքացիական քաջություն ունի, թող հրապարակ գա: Քո ինձ գրած անձնական բարեկամական նամակ մեղադրականը մեծ հաճույքով կարդացի: Հնորհակալություն քո ընկերական խորհուրդների

\* Ինկորպորե (լատ. in corpore)՝ ամբողջ կազմով:

համար եւ այն բանի համար, որ դու կուզեիր չհիասթափվել իմ նկատմամբ, որ իմ անվան հետ որոշ հույսեր ես կապել եւ այլն եւ այլն: Բայց եւ այնպես ընդունիր, որ որոշ խնդիրներում շատ ես շտապել, առանց ինձ լսելու եւ լուրջ քննությամբ որոշ բաներ լուսաբանելու: Հանդիսավի ինձ վիրավորանք եւ հասցրել եւ անարդար որոշում կայացրել:

*Նույն*

2. VIII 21թ.  
Մուժամբար

ՀՅԴ ԿԱ, Ս.Վ. 5-21: Բնագիր: Ձեռագիր (ոչ Նժդեհի ձեռքով):

Թիվ 45

ԸՆԿԵՐ ՎՐԱՑՅԱՆ !

Պլատոնից մեծ բարեկամս ճշմարտությունն է, ասում են լատիները: Ես դեռ հավատում եմ (չնայած Հ. Տեր-Հակոբյանին արդարացնելու նպատակով «Այգ»-ում Ձեր գրած երկտողը թեթեւ հարվածել է իմ հավատը), որ Ձեր բարեկամներից ամենաբարձրն ու ամենամոտիկն է ու կմնա ճշմարտությունը: Լինել նախարար, ընկեր Վրացյան, այն էլ մեր օրերում, այն էլ մեր երկրում, ուր գրեթե մարդ չմնաց, որ այս կամ այն պորտֆելին չարժանանար,- մեր կուսակցության ու մասսաների համար այնքան էլ անհրաժեշտ ու փրկարար բան չէ: <...>րորներ չկային, բայց դեռ նահատակորեն ապրում ու գործում էին Ռոստոմն ու Չավարյանը եւ այնքա՞ն հին էր թվում Գաղափարի ծանր խաչը, այնքա՞ն ցանկալի մահը կախաղանների վրա, բանտերի խորքերում, տունդրայում... Չկային նախարարներ, բայց կար ՄԱՐԴԸ, Աստծու պես անես ու աննախանձ, Աստծու պես ճշմարիտ ու բարի, կային Ռոստոմն ու Չավարյանը, եւ անձնական սերն այնքա՞ն զուսպ, եսերը կաշկանդված էին... Նրանք կային եւ կուսակցության հմայքը ծով էր, անունը փառքի մեջ կորած: Երանելի՞ օրեր:

Ընկեր Վրացյան, Մարդը, Գաղափարի Աստվածաշունչ մարդն է մեռել, մարդն է պակասում մեզ եսականության ու մաղձի, նյութապաշտության ու շահի այս անփառունակ ու կոշմարային օրերում:

\* Հնարավոր է թվի սխալ ընթերցած լինելը քսերոպատճենի անորակության պատճառով: Նույն պատճառով ամբողջ փաստաթղթի ընթերցումը եւ վերծանումը կատարվել է դժվարությամբ:

Բազմակետերը այստեղ եւ այնուհետեւ բնագրին են:

Ինտելիգենցիայից պակաս աստվածախույզներ չենք եւ մենք, մտավորականներս: Առանց Ռոստոմների եւ Ջավարյանների, առանց մարդ-աստվածների դժվարանում ենք ապրել, ոգեւորվել եւ ստեղծագործել: Ես, ինչպես գիտեմ, եւ շատ ընկերներ վերջին տարիներում, Ձեզ ընդունել ենք Ռոստոմին փոխարինողի եւ հավատացել Ձեզ: Յենց իմ այս անսահման հավատն էր, որ դրդեց ինձ առանց տատանումի Երկրի վարչապետության պորտֆելը ուրախությամբ հանձնելու Ձեզ եւ ինձ համար ստեղծելու *de jure* մի ծանր եւ արքայադային վիճակ:

Սակայն այսօր, երբ ինչ-ինչ պատճառներով դուրս ենք գտնվում երկրից եւ իմ ու ճշմարտության տմարդ թշնամիները դաշույն են կազմակերպում ու հանում իմ դեմ (իսկ այդ անում են, որ իրենց ստեղծած ժխտում կարողանան իրենց կաշին ու անունը փրկել) դուք շարունակում եք լուռ մնալ:

Հասկանալի պատճառներով մինչեւ օրս լուռ եմ մնացել եւ ես: Կոնսպիրատիվ կյանք վարելուս եւ հիվանդությանս պատճառով ես զրկված եմ հասարակությանը ճշմարտությունն ասելու եւ վրազդելու հնարավորությունից, իսկ երեկվա իմ կուսակցական «բարեկամները» քուն ու դադար կորցրած հասարակական կարծիք ու տրամադրություն են ստեղծում, զրպարտում, դավադրում եւ այլն:

Եվ Դուք, իրազեկ այդ բոլորին, շարունակում եք լռել: Այս կամ այն նկատառումներով Դուք, որպես նախարար, կարող եք լռել, բայց, որպես Գաղափարի մարդ, Դուք պետք է խոսեք ու փողոցի երեսին շարտեք ճշմարտությունը: Առանց ինձ. կամ իմ խոսքը լսելու Դուք Հայաստանի կառավարության որոշ անդամների՝ իմ թշնամիների (որոնք քաջ գիտեն, որ ես եւ Լեռնահայաստանի ժողովուրդը իրենց չենք ների Սինքենդի ցուսիման՝ եւ Արաքս գետի պանաման)՝ զրպարտանքի հիման վրա որոշումներ եք կայացնել տալիս իմ նկատմամբ: Ի՞նչ լեռնահայաստանցիների մասին է Ձեր խոսքը: Ո՞վ ասեց Ձեզ, որ Լեռնահայաստանից, բացառությամբ հազիվ մի տասնյակի հասնող գեներալների, Ղափանի մի վաշտապետի ու մի քանի սպաների, շիտակ մարդ են դուրս եկել: Դուք գիտե՞ք, ով պիտ ասեր Ձեզ, որոշ տեղում ուղղակի գինու ուժով եմ ցրել այն ժողովրդական վաշտերը, որոնք հրաժարվում էին մնալ Սյունիքում եւ ուզում էին հետեւել: (*sic!-կազմողներ*):

Բացառությամբ մի քանի հոգու, Լեռնահայաստանից դուրս են եկել մութ ուժեր՝ մեծամասնականների տները ապստամբության շրջանում թալանածները, անձնական հողի վրա քրեական սպանություն-

<sup>1</sup> De jure (լատ.) իրավաբաներոն:

<sup>2</sup> Համեմատում է Ցուսիմայի նեղուցում 1904թ. ճապոնիայի դեմ պատերազմում ճուսական նավատորմի կրած ջախջախիչ պարտության հետ:

<sup>3</sup> Խոշոր քաղաքական եւ ֆինանսական խարդախություն, խոշոր պաշտոնյաների կաշառում, որ տեղի է ունեցել Պանամայի ջրանցքի կառուցման ժամանակ:

ներ կատարածները, թայֆայականները, ցարական, հին պաշտոնյաները, որոնց ես հասարակական եւ վարչական պաշտոններից շատ հեռու էի պահում, կեղծ ու պատիր, անմաքուր դաշնակցականները, որոնցից մեկը պետական տրանսպորտից ցորեն գողանալու համար էր ձերբակալվել, մյուսին Գորիսում պա<նիկա> ստեղծելու եւ բոլորից առաջ փախչելու համար սպառնացել բանտարկությամբ, երրորդին *ударный паек* պահանջելու համար շշարել, չորրորդին գյուղերում (Շահինյանի հրահանգով) դասակարգային շերտավորում առաջացնելու համար վճարել Հանքերից, հինգերորդին գողին ազատելու նպատակով իր միջամտության համար հանդիմանել, վեցերորդին (պետական կոնտրոլ Տեր-Սինասյանին) մալականներից 2 ձիեր վերցնելու եւ Գորիս բերելու համար թքել, յոթերորդին (մինիստր Սինասին)՝ մալականի ձին յուրացնելու համար զգվանք հայտնել եւ պա<...> տվել վերջին երկուսին էլ հեռացնելու եւ այլն...

<Մեր> այն լեռնահայաստանցին եւ Հայաստանի կառավարության անդամներից մի քանիսը, որոնք շուտով կտեսնեք թե ի՞նչ չափով են մեղանչել ժողովրդի եւ ճշմարտության դեմ, որ հավատացնում են Ձեզ, որ իմ վերաբերմունքը եղել է անկորեկտ Հայաստանի կառավարության նկատմամբ *in corpore*: Ինչո՞ւ անունները չեք տալիս, ինչո՞ւ չեք ստուգում: Ինչպե՞ս հաստատեցիք այդ զրպարտությունը, երբ գիտեք, որ ստուգում: Ինչպե՞ս հաստատեցիք մեջ կան անհատներ, որոնց ես չէի կարող չհարգել: Այդ կառավարության մեջ կան անհատներ, որոնց ես չէի կարող չհարգել: Սի՞թե Տեր-Հակոբյանի ով լինելը չպարզվեց Ձեզ համար, երբ նրա գրպանից ոսկիների քսակը դուրս եկավ, երբ դա խաբում էր եւ ինձ, եւ իր կողմնակից 3 նախարարներին (Արշակ) Հովհաննիսյան, Տերտերյան, Խոնդկարյան), որոնց նույնպես հայտարարում է, որ ոչինչ չկա մտք: Երբ սեփական փողը (ինչպես ինքը հայտարարեց զորքի առաջ եւ տվեց իր ստորագրությունը) հանկարծ թավրիզում դառավ պետական: Եթե դա պետական էր՝ ինչո՞ւ էին պետական թղթադրամները գրավ դնում այդ պարոնին: Ես Մեղրիում ճանաչեցի եւ փոշմանեցի նրան մինիստր նշանակելուս համար: Խոստովանում եմ, որ եթե նա կամ ես կուսակցական չլինեինք, ես նրան 3 անգամ չէի փրկիլ լինչի դատաստանից: Այդ պարոնը, ինչպես եւ երկու հոգի ուրիշները թող դուրբան լինեն Դաշնակցությանը, որի խաչը փակել էր բերանս եւ կաշկանդել ձեռքերս:

Ո՞վ էր ճշմարտության բարեկամը: Եփրեմ Սարգսյանը-դա չէր կարող անաչառ լինել իմ նկատմամբ, պատճառների մասին շուտով կիմանաք: Արշալույս Տեր-Ասատրյանը, որը թյուրիմացությամբ խուզարկվել էր եւ իրեն վիրավորված էր զգում: Արշակ Հովհաննիսյանը, այդ երկուսին վիրավորված էր զգում: Արշակ եւ եւ Լեռնահայաստանի երկրի մի քաղաքականություն վարողը, որին ես եւ Լեռնահայաստանի ժողովուրդը դատապարտում ենք Սինքենդի աղետաբեր ցուսիմայի մեջ:

<sup>4</sup> Սինաս Տեր-Սինասյան խնամատարության նախարար:

Ergo, մնում էր, որ Դու ասեիր՝ զոտ, ընկերներ, բայց Դուք այդ էլ չարեցիք: Էհ, եղիցի կամք քո: Թող այդպես լինի: Թող, որ իմ եւ ճշմարտության բարեկամները, որ գտնվում են Արաքսի էն ափում, Լեռնահայաստանում, եւ այսօր քաղաքական հնարավորություն չունին խոսելու, ասելու ճշմարտությունը: Բայց այն, որ ամեն բան մեռնում է աշխարհում, բացի ճշմարտությունը, ինձ հաշտեցնում է իմ դրության հետ:

Ես, ընկեր Վրացյան, այն սեւ ապերախտությունից, որը ես տեսա Ձեր կառավարության եւ Հայաստանի փրկության կոմիտեի որոշ անդամների կողմից, հետո հոգեբանորեն անհնար եմ համարում իմ այստեղ կամ Թեհրանում մնալը: Ուստի խնդրում եմ Ձեզ, որպես Բյուրոյի անդամի, թույլ տալ ինձ անլեզալ ճանապարհով իմ զինակիցների հետ անցնելու Լեռնահայաստան եւ մնալու այնտեղ անլեզալ հողի վրա: Ժողովրդի տրամադրությունը. մեր մարդիկ նոր են վերադարձել երկրից: (sic!-կազմողներ) Ապստամբական ոչ մի փորձ չեմ անիլ, մինչեւ որ հարեւան երկիրներում այդ բանը տեղի չի ունենա:

Լիահույս եմ, որ դժվարություններ չեք հարուցի որոշումս իրագործելու: Սպասում եմ Ձեր պատասխանին:

Բարեւներով՝

*Նժդեհ*

1921, 17 օգոստոս  
Թավրիզ

ՀՅԴ ԿԱ, Ա.Վ. 5-22: Բնագիր: Ինքնագիր:

## ԾԱՆՈԹԱԳՐՈՒԹՅՈՒՆՆԵՐ

1. Նժդեհի նամակի վրա գրված են երկու այլ նամակներ եւս, որոնք օգնում են պարզել, թե ով է «Ընկերը», որին ուղղված է նամակը:

«Սիրելի փաշա. թե կարող ես՝ հասիր. մենք անցանք: Ձերմ բարեւներով քո <հետեւում է ստորագրություն, որն անընթեռնելի է>»: Երկրորդ նամակը «Սիրելի Ռուբեն. մենք երեք հոգով անցանք Դարալագյազ. քեզ շատ սպասեցինք. գրաբեր ընկերը կպատմե մեր երկրի դրության մասին. միխթարական լուրեր ենք լսում, որքան ճիշտ է: Շատ շուտով կիմանանք: Ամենայն դեպս շուտ եկ: Համբույրներով քո Գերասիմ» (հավանաբար Գերասիմ Աթաջանյանն է): Հետեւաբար պարզ է, որ «Ընկերը» Ռուբեն Տեր-Սիմախյանն է: -12

2. 1921թ. հունիսի 24-ին թիվ 568 հեռախոսագրով Կուռն Թարխանյանը Նժդեհին տեղեկացրել էր Արեւմտյան ճակատում (Դարալագյազ) ստեղծված ծանր դրության, երեւանյան եւ այլ զորամասերի բարոյալքման, նահանջի, կարմիրներին անձնատուր լինելու մասին: Կուռն անհրաժեշտ էր համարել երեւանյան հեծելազորը հետ քաշել, իսկ Սիսիանի սահմանների պաշտպանությունը հանձնել տեղական ազգաբնակչությանը եւ սիսիանցիներին:

Հունիսի 25-ին թիվ 0581 հեռախոսագրով, պատասխանելով Սպարապետ Նժդեհին, նրա օգնական Կուռնը նշել է, թե ինքը արհեստական խուճապ չի ստեղծել եւ խնդրում էր նման վիրավորանք իրեն չվերագրել, ապա հայտնում էր օգնական ուժի անհրաժեշտության մասին, որպեսզի կարողանա «առնել թշնամու առաջը»: (ՀՅԴ կենտրոնական արխիվ, Կուռնի վավերագրերի Բ տետր, էջ 117-120): - 33